

全上古三代秦漢三國六朝文

全晉文卷八十九

烏程嚴可均校輯

魯勝

勝字叔時代郡人武帝時爲著作佐郎元康初遷建康令尋稱疾去徵博士舉中書郎皆不就有注墨辨六篇

上正天論表

若臣言合理當得改先代之失而正天地之紀如無據驗甘卽刑戮目彰虛妄之罪

晉書隱逸魯勝傳

正天論

自冬至之後立晷測影準度日月星辰案日月裁徑百里無千里星十里不百里

晉書魯勝傳

注墨辯敘

名者所曰別同異明是非道義之門政化之準繩也孔子曰必也

正名、名不正則事不成。墨子著書作辯經曰：立名本惠施、公孫龍祖述其學，曰：正刑名。顯于世。孟子非墨子，其辯言正辭則與墨同。荀卿莊周等皆非毀名家而不能易其論也。必有形察，莫如別色。故有堅白之辯，名必有分明，分明莫如有無，故有無序之辯。是有不是，可有不可，是名兩可，同而有異，異而有同，是之謂辯。同異至同無不同，至異無不異，是謂辯同辯異。同異生是非，是非生吉凶，取辯于一物而原極天下之汙隆，名之至也。自鄧析至秦時名家者，世有篇籍，率頗難知。後學莫復傳習，于今五百餘歲，遂亡絕墨辯。有上下經，經各有說，凡四篇，與其書眾篇連第，故獨存。今引說就經，各附其章，疑者闕之。又采諸眾雜集爲別名二篇，略解指歸。曰：俟君子，其或興微繼絕者，亦有樂乎此也。

晉書隱逸
傳

王沈

沈字彥伯，高平人，仕邵文學掾。

釋時論

東野丈人觀時曰居隱耕汗腴之墟有冰氏之子者出自沍寒之谷過而問塗丈人曰子奚自曰自涸陰之鄉奚適曰欲適煌煌之堂丈人曰入煌煌之堂者必有赫赫之光今子困于寒而欲求諸熱無得熱之方冰子瞿然曰胡爲其然也丈人曰融融者皆趣御熱一作趨無得熱之士其得熾冶之門者惟挾炭之子苟非斯人不如

其已冰子曰吾聞宗廟之器不要華林之木四門之賓何必冠蓋之族前賢有解韋索而佩朱戟舍徒擔而乘丹轂由此言之何恤而無祿惟先生告我塗之速也丈人曰嗚呼子聞得之若是不知時之在彼吾將釋子夫道有安危時有險易才有所應行有所適英奇奮于縱橫之世賢智顯于霸王之初當厄難則騁權譎曰良圖值制作則展儒道曰暢摠是則袞龍出于繼褐卿相起于匹夫故朝賤而夕貴先卷而後舒當斯時也豈計門資之高卑論勢位

之輕重乎、今則不然、上聖下明、時隆道靈、羣后逸豫、宴安守平、百
辟君子、奕世相生、公門有公、卿門有卿、指禿腐骨、不簡蚩儼、多士
豐于貴族、爵命不出閭庭、四門穆穆、綵繡是盈、仍叔之子、皆爲老
成、賤有常辱、貴有常榮、肉食糞踵于華屋、疏飯襲迹于捭耕、談名
位者曰諂媚附勢、舉高譽者曰資而隨形、至乃空踣者曰泓嚼爲
雅量、璵慧者曰淺利爲鎗鎗、胸胎者曰無檢爲弘曠、僂垢者曰守
意爲堅貞、嘲哮者曰麤發爲高亮、韞螽者曰色厚爲篤誠、掩焚者
曰博納爲通濟、照照者曰難入爲凝清、拉荅者有沈重之譽、嫌閃
者得清勦之聲、嗆啗怯畏于謙讓、關甘勇敢于饕餮、斯皆寒素之
死病、榮達之嘉名、凡茲流也、視其用心、察其所安、責人必急、于已
恆寬、德無厚而自貴、位未高而自尊、眼罔嚮而遠視、鼻竅亂而刺
天、忌惡君子、悅媚小人、放蔑道素、懾吓權門、心曰利傾、智曰勢憎、
姻黨相扇、毀譽交紛、當局迷于所受、聽採惑于所聞、京邑習習、羣

上千億奔集勢門求官買職童僕闕其車乘闔寺相其服飾親客
陰參于靖室疏賓徒倚于門側時因接見矜厲容色心懷內荏外
詐剛直譚道義謂之俗生論政刑曰爲郎極高會曲宴惟言遷除
消息官無大小問是誰力今曰子孤寒懷真抱素志陵雲霄偶景
獨步直順常道關津難渡欲聘韓盧時無狡兔眾塗圯塞投足何
錯于是冰子釋然乃悟曰富貴人之所欲貧賤人之所惡僕少長
于孔顏之門久處于清寒之路不謂熱勢自共遮鋼敬承明誨服
我初素彈琴詠典曰保年祚伯成延陵高節可慕丹轂滅族呂霍
哀吟朝榮夕滅日飛暮沈聯周道師巢由德林豐屋蔀家易著明
箴人薄位尊積罰難任三御尸晉宋華咎深投局正幅實獲我心

晉書文苑
王沈傳

楊乂

乂字玄舒汝南人爲給事中遷左長史有易卦序論一卷毛詩

辨異三卷毛詩異議二卷集三卷

雲賦

天地定位、道和肇分、剛柔初降、陰陽烟燼、于是山澤通氣、華岱興雲、則縹緲翩綿、鬱若升烟、窵盤縈、日詰屈兮、若虬龍之蟠蜿、疑岐岐、曰岳立兮、狀有似乎列仙、東西絡繹、南北油飴、隨風徘徊、流行菴謨、豁兮仰披、杳兮四會、凝寒冰于朱夏、飛素雪于玄冥、灑膏液于天潢、騰鴻泉于泰清、乾坤已之交泰、品物已之流形、江海已之深滿、川谷已之豐盈、毛羽已之光澤、草木已之葩榮、萌芽已之挺殖、苗秀已之積成、始于觸石而出、肩寸而征、終于霑濡六合、浸潤羣生、蕩滌塵穢、含吐嘉祥、施暘凱風、惠加春陽、擬神化于后土、與三暎兮齊光、藝文類聚

浮素霓之逶迤、御覽

十四

刑禮論

覽眾所抵精思構微迭爲先後文若榮繁翩然相反豈彼繁未存
厥中嘗試稽之天地攷之人事旁貫品物綜覈彝倫而刑禮之旨
可略言也蓋刑禮之本經緯陰陽擬則乾坤先王所曰化民理物
興國濟治也或者取證于春秋有意乎尋本已綜末然猶未離于
先後亦連難之始也夫陰陽異制化物則均萬物本一變而殊形
故王者去彼而適此爲生而于彼爲死夫死者去此而適彼于此
爲死而于彼爲生矣禮生于讓刑生于爭讓者割己已與人是刑
加于己而禮加于人也爭者奪人己崇己是刑施于人而禮施于
己也由此言之讓非純禮爭非純刑也慶賞已勸善而爲惡者懲
如有所懲刑亦存矣刑罰已懲惡而爲善者勸如有所勸禮亦存
矣故亡刑則禮不獨施大道廢焉則刑禮俱錯大道行焉則刑禮
俱興不合而成未之有也

藝文類聚
五十四

盧播

播字景宣陳留人爲本州別駕元康中遷梁王彤征西長史進
振威將軍後爲尚書有集二卷

阮籍銘

嵯峨先生天挺無欲玄虛恬澹混齊榮辱盪滌穢累婆娑止足胎
胞造化韜光緼緼鼓棹滄浪彈冠嶠岳頤神太素簡曠世局澄之
不清混之不濁翺翔區外遺物度俗隱處巨室友真歸樸汪汪川
原邁迹圖錄藝文類聚三十六

曾環

環爲衡陽內史有集三卷

爲舊君服議

古者失地之君託身造次威一時之惠猶齊衰已爲報嘗爲臣吏
禮待優備故依禮託情而以教訓矣通典九十九秦始中尚書令史
謂喪所行服何遵何植駁曰爲不應服荀顗吳儉曰爲應服又衡
陽內史留環議云云案秦始中衡陽不入版圖據下文復有孔

喻范汪范甯議則留最此議不在泰始中明矣隋志有衡陽內史
留最集三卷在顧榮之前顧榮于泰康末入晉卒于永嘉末今依
隋志編于
顧榮前

陳頤

頤字延思陳國苦人泰康末爲郡督郵遷主簿州辟部從事元
康中舉孝廉州將留不遣齊王冏起義拜駙馬都尉尋爲歷陽
內史朱彥參軍元帝爲鎮東召行參軍事典法兵二曹建興初
制版補錄事參軍出除譙郡太守太興初日疾去後日白衣兼
尚書拜天門太守咸和初遷梁州刺史尋免

陳時務

昔江外初平中州荒亂故貢舉不試宜漸循舊搜揚隱逸試日經
策又馬隆孟觀雖出貧賤勳濟甚大日所不習而統戎事鮮能日
濟宜開舉武略任將帥者言問核試盡其所能然後隨才授任舉
十得一猶勝不舉況或十得二三日礪降虜七世內侍由余戎狄

入爲秦相、豈藉華宗之族、見齒于奔競之流乎、宜引幽滯之僞、抑

華校實、則天清地寧、人神感應、晉書陳

議禁僚屬故避事任

諸僚屬乘昔西臺養望餘弊、小心恭肅、更已爲俗、偃蹇倨慢、已爲

優雅、至今朝士縱誕、臨事游行、漸弊不革、已至傾國、故百尋之屋

突直而焚燎、千里之隄、蟻垤而穿敗、古人防小、已全大、慎微、已杜

萌、自今臨使、稱疾須催、乃行者皆免官、晉書陳顯傳又略見北堂

晉書作百尋之屋、突直而煙焚千里之隄、蟻

駁已亥格

聖王懸爵賞、功制罰、糾違斯道、苟明人赴水火、且名器之實、不可

妄假、非才謂之致寇、寵厚戒在斯亡、昔孫秀口唱篡逆、手弄天機、

惠皇失御、九服無戴、三王建議、席卷四海、合起義之眾、結天下之

心、故設已亥義格、已權濟難、此自一切之法、非常倫之格也、其起

義曰來依格雜猥遭人爲疾或加兵伍或出阜僕金紫佩士卒之
身符策委庸隸之門使天官降辱王爵黷賤非所旨正皇綱重名
器之謂也請自今日後宜停之晉書陳頤傳初趙王倫篡位三王
起義制已亥格其後論功雖小亦
皆依用頤意謂不宜
旨爲常式駁之云云

薦焦保于州將

保出自寒素稟質清沖若得參嘉命必能光贊大猷允清朝望使
黃憲之徒不乏于豫土令頤庶免臧文之責晉書陳
頤傳

與王導書

中華所旨傾獎四海所旨士崩者正旨取才失所先白望而後實
事浮競驅馳互相貢薦言重者先顯言輕者後敘遂相波扇乃至
凌遲加有莊老之俗傾惑朝廷養望者爲弘雅政事者爲俗人王
職不恤法物墜喪夫欲制遠先由近始故出其言善千里應之今
宜改張明賞信罰拔卓茂于密縣顯朱邑于桐鄉然後大業可舉

中興可冀耳

晉書陳顯傳

卞摧

一摧武帝末爲博士

安梓宮議

尚書問今大行崩含章殿安梓宮宜在何殿博士卞摧楊雍議曰臣子尊其君父必居之已正所曰盡孝敬之心今太極殿古之路寢梓宮宜在太極殿依周人殯于西階

通典七十九

下室饌議

又問既殯之後別奠下室之饌朝夕轉易諸所應設祭朔望牲用宜所施行案禮具答摧雍議案禮天子日食少牢月朔太牢喪禮下室之饌如他日宜隨御膳朝夕所常用也朔望則奠用太牢備

物

通典七十九

倚廬議

又問案景帝故事施倚廬于九龍殿上東廂今御倚廬爲當在太極殿下諸王廬復應何所權雍議案尚書顧命成王崩康王居于翼室先儒云翼室于路寢今宜于太極殿上諸王宜各于其所爲廬朝夕則就位哭臨通典七十九

爲天子斬縗服議

尚書問天子崩于今臺書令史呂上皆爲服斬縗之服不博士卞權應琳議禮命士呂上皆服斬臺書令史列職天朝皆應服斬通典八十

又問天子崩今司州及河南郡吏出入導從應易服制不卞權荅禮庶人在官者服齊縗三月又近臣服斬導從出入皆應從服通典八十

又問服隨君輕重今司隸服斬下吏服齊爲合禮意不卞權荅凡臣從君皆降一等今之牧宰皆古諸侯自禮相況輕重宜矣通典八十

又問禮義服不從今司隸爲君斬縗義服也下吏爲從不每降一等當爲君喪其親者耳古今行事復云何摧荅禮庶人爲國君齊今則不服然吏若都官從士有職司于喪庭者故宜依庶人在官者義耳義服不從謂近臣服君斬縗之服依降一等者之差耳前稱導從指謂近臣通典八十一

又問諸二千石長吏見在京城皆應制服不博士下摧楊雍應琳等上云禮臣爲君斬縗自士已上見在官者皆應制服通典八十一引魏晉故事

宮中爲天子服議

問皇太后三夫人已下皆服斬諸長公主及諸君崇陽園脩容服制之宜主權等議案禮與諸侯爲兄弟皆服斬依禮則公主宜服斬而不杖禮君夫人爲長子三年妾爲君之嫡子與夫人同則崇

陽園脩容宜三年通典八十

宮中爲天子杖議

又問太后及公主應杖不下摧應琳議禮爲夫杖自天子達皇太后應杖明矣婦爲舅姑禮無杖文皇后不應杖也君之喪夫人世婦在次則杖卽位則使人執之如禮三夫人已下皆杖通典八十一

諸王女孫女爲天子服議

大夫當作夫人

案禮諸侯之大夫爲天子其服齊綴本無服者也猶從夫而同今王始于大行皇帝本服周已輕明重依諸兄弟之義所服至尊疑當服重王諸女依諸侯兄弟禮則應服斬也孫女幼未及于禮若欲服宜依諸侯之制通典八十一魏晉故事

荀晞

晞字道將河內山陽人武帝時司隸校尉石鑒召爲部從事惠帝初侍中東海王越引爲通事令史累遷陽平太守齊王冏輔

政曰爲參軍拜尚書右丞轉左丞因誅坐免驃騎將軍長沙王
又曰爲從事中郎尋爲北軍中候范陽王璽承制行兗州刺史
懷帝初進撫軍將軍假節都督青兗諸軍事封東平侯遷征東
大將軍開府儀同三司加侍中假節都督青州諸軍事領青州
刺史進爲郡公尋爲大將軍大都督督青徐豫荆揚六州軍
事洛陽陷豫章王端承制曰爲都督中外諸軍錄尚書領太子
太傅爲石勒所殺

承詔罪狀東海王越表

殿中校尉李初至奉被手詔肝心若裂東海王越得曰宗臣遂執
朝政委任邪佞寵樹奸黨至使前長史潘滔從事中郎畢邈主簿
郭象等操弄大權刑賞由己尚書何綏中書令繆播太僕繆盾黃
門侍郎應紹皆是聖詔親所抽拔而滔等妄構陷曰重戮帶甲臨
宮誅討后弟翦除宿衛私樹國人崇獎魏植招誘逃亡覆喪州郡

王塗比隔方貢乖絕宗廟闕丞嘗之饗聖上有約食之既鎮東將
軍周馥豫州刺史馮嵩前北中郎將裴憲竝目天朝空曠權臣專
制事難之興慮在旦夕各率士馬奉迎皇輿思隆王室曰蓋臣禮
而滔邈等劫越出關矯立行臺逼徙公卿擅爲詔令縱兵寇抄茹
食居人交尸塞路暴骨盈野遂令方鎮失職城邑蕭條淮豫之氓
陷離塗炭臣雖憤懣守局東隅自奉明詔三軍奮厲卷甲長驅次
于倉垣卽日承司空博陵公浚書稱殿中中郎劉權齋詔敷浚與
臣共剋大舉輒遣前鋒征虜將軍王讚徑至項城使越稽首歸政
斬送滔等伏願陛下寬宥宗臣聽越還國其餘逼迫宜蒙曠蕩輒
寫詔宣示征鎮顯明義舉遣揚烈將軍閭弘步騎五千鎮衛宗廟

晉書荀
瞻傳

又表

奉被手詔委臣征討諭曰桓文紙練兼備伏讀跪歎五情惶惶自

頃宰臣專制委杖佞邪內擅朝威外殘兆庶矯詔專征遂圖不軌縱兵寇掠陵踐宮寺前司隸校尉劉敞御史中丞溫縱右將軍杜育並見攻劫廣平武安公主先帝遺體咸被逼辱逆節虐亂莫此之甚輒祇奉前詔部分諸軍遣王讚率陳午等將兵詣項冀行天罰晉書荀勗傳

移檄諸征鎮州郡

天步艱險禍難殷流劉元海造逆于汾陰石世龍階亂于三魏荐食畿甸覆喪鄴都結壘近郊仍震兗豫害三刺史殺二都督郡守官長埋沒數十百姓流離肝腦塗地晞日虛薄負荷國重是日弭節海隅援枹曹衛猥被中詔委曰關東督統諸軍欽承詔命剋今月二日當西經濟黎陽即日得滎陽太守丁嶷白事李惲陳午等救懷諸軍與羯大戰皆見破散懷城已陷河內太守裴整爲賊所執宿衛闕乏天子蒙難宗廟之危甚于累卵承問之曰憂歎累息

作夫

晞曰爲先王選建明德庸曰服章所曰藩固王室無俾城壞是曰
舟楫不風齊桓責楚襄王逼狄晉文致討大翼幾皇家宣力本朝
雖蹈湯火大義所甘加諸方牧俱受榮寵義同畢力曰報國恩
雖不武首啟戎行秣馬裹糧曰俟方鎮凡我同盟宜同赴救顯立
名節在此行矣

晉書荀臨傳又見十六國春秋十一

滕竝

竝南陽西鄂人安南將軍廣州牧脩子

上表請改父脩諡

亡父脩羈繼吳壤爲所驅馳幸逢開通沐浴至化得從俘虜握戎
馬之要未覲聖顏委南藩之重實由勳勞少聞天聽故也年衰疾
篤屢乞骸骨未蒙垂哀奄至薨隕臣承遺意輿輓還都瞻望雲關
實懷痛裂竊聞博士諡脩曰聲直彰流播不稱行績不勝愚情冒

昧間訴

晉書滕脩傳

杜育

育字方叔襄城人初與石崇等爲賈謐二十四友永興中拜汝南太守永嘉中進右將軍後爲國子祭酒有易義若干卷集二卷
薜賦

靈山惟嶽奇產所鍾瞻彼卷阿實曰夕陽厥生薜草彌谷被岡承

文選江淹雜體詩注作懷豐壤之滋潤受甘露之霄降月惟初秋農功少休結

偶同旅是采是求水則岷方之注挹彼清流器澤陶簡出自東隅

酌之曰匏取式公劉惟茲初成沫沈華浮煥如積雪畦若春敷

類聚八十二書

鈔一百四十四

若乃渲染眞辰色殞青霜口口口口白黃若虛調神和內倦解懷

除書鈔一百四十四

御覽八百六十七
薜賦

脯則正膂通幹粗鹿肥麋書鈔一百四十五初學記二十六御覽八百六十二

鯀則前鹽白慘鯁鯁之骸書鈔一百四十六

賈彬

彬為車騎長史有集三卷

箏賦

溫顏既緩和志向悅賓主交歡鼓鐃品列鍾子授箏伯牙擊節唱
葛天之高韻續幽蘭與白雪其始奏也寒澄疏雅若將囑而未越
其漸成也抑案鏗鏘猶沈鬱之舒微何日盡美請徵其喻剖狀同
形兩象著也設弦十二太簇數也列柱參差招搖布也介位允諧
六龍御也藝文類聚四十
四初學記十六

賈彪

彪爵里未詳

大鵬賦并序

余覽張茂先御覽作張安世鷦鷯賦曰其質微處褻而偏于受害御覽作而陋已

遠害愚目爲未若大鵬棲形遐遠自育之全也此固禍福之機聊賦之云

歎大鈞之播物啟塊化于天壤嘉有鵬之巨鳥攝元氣之夸象揚
宇內之遐臨遵四荒日汎蕩藝文類聚九十二御覽
九百二十七引晉書

張翼

翼上谷沮陽人爲遼東太守見後魏書
張袞傳

書

廿三日賴卿翼頓首節過多懷得近書爲慰意曰何如淡勞樊頓
曳力還不具隋化略
帖三

賜進士出身三品銜廣東等處提刑按察使司按察使兼管驛傳事務黃岡王毓藻校刊

全晉文卷八十九終

全晉文卷九十

烏程嚴可均校輯

潘岳

岳字安仁，滎陽中牟人。武帝時，辟司空太尉府，舉秀才，出爲河陽令，轉懷令，補尚書度支郎，遷廷尉評，曰公事免。惠帝初，太僕楊駿引爲主簿，駿誅除名，選爲長安令，尋補著作郎，轉散騎侍郎，與石崇等謀誅趙王倫，事覺遇害，有集十卷。

秋興賦

并序

晉十有四年，余春秋三十有二，始見二毛。呂太尉掾兼虎賁中郎將，寓直于散騎之省，高閣連雲，陽景罕曜，珥蟬冕而襲紈綺之士，此焉游處。僕野人也，偃息不過茅屋茂林之下，談話不過農夫田父之客。攝官承乏，猥廁朝列，夙興晏寢，匪遑底寧，譬猶池魚籠鳥，有江湖山藪之思。于是染翰操紙，慨然而賦。于時秋也，故曰秋興。

命篇其辭曰

四時忽其代序兮，萬物紛目迴薄。覽花時之時有兮，察盛衰之所託。感冬索而春敷兮，嗟夏茂而秋落。雖末士之榮悴兮，伊人情之美惡。善乎宋玉之言曰：悲哉秋之爲氣也！飈瑟兮，草木搖落而變衰。慄慄兮，若在遠行。登山臨水，送將歸夫。送歸懷慕，徒之戀兮。遠行有羈旅之憤，臨川感流目歎逝兮。登山懷遠而悼近，彼四感之疚心兮。遭一塗而難忍，嗟秋日之可哀兮。諒無愁而不盡，野有歸燕，隰有翔隼。游氛朝興，槁葉夕殞。于是迺屏輕篋，釋纖綸，藉莞藂，御袷衣，庭樹撼目，灑落兮。勁風戾而吹帷，蟬嘒嘒而寒吟兮。雁飄飄而南飛，天晃朗已彌高兮。日悠陽而浸微，何微陽之短晷。覺涼夜之方永，月朧朧已含光兮。露淒淒已凝冷，熠燿粲于階闥兮。蟋蟀鳴乎軒屏，聽離鴻之晨吟兮。望流火之餘景，宵耿介而不寐兮。獨屏轉于華省，悟時歲之適盡兮。慨俛首而自省，斑駁影已承弁。

兮素髮殿日垂領仰羣儁之迎軌兮攀雲漢日游騁登春臺之熙
熙兮珥金貂之炯炯荷趣舍之殊塗兮庸詎識其躁靜聞至人之
休風兮齊天地于一指彼知安而忘危兮故出生而入死行投趾
于容迹兮殆不踐而獲底闕側足日及泉兮雖猴狻而不履龜祀
骨于宗祧兮思反身于綠水且斂衽日歸來兮忽投絃日高厲耕
東皋之沃壤兮輸黍稷之餘稅泉涌滿于石閒兮菊揚芳于崖隘
慄秋水之涓涓兮玩游鯈之澈澈逍遙乎山川之阿放曠乎人間
之世優哉游哉聊日卒歲

文選藝文
類聚三

寒賦

夜漫漫日攸攸兮淒淒日凜凜

御覽三
十四

登虎牢山賦

辭京輦兮遙邁將遠遊兮東夏朝發軔兮帝墟夕結軌兮中野憑
修坂兮停車臨寒泉兮飲馬眷故鄉之遠隔思紆軫日鬱陶步玉

趾曰升降、凌汜水而登虎牢、覽河洛之二川、眺成平之雙泉、崇嶺
巖曰崔嵬、幽谷豁曰寥寥、路遠迤曰追隘、林廓落曰蕭條、爾乃仰
蔭嘉木、俯藉芳卉、青煙鬱其相望、棟宇懷曰鱗萃、彼登山而臨水、
固先詰之所哀、矧去鄉而離家、邈長辭而遠乖、望歸雲曰歎息、腸
一日而九迴、良勞者之詠事、爰寄言曰表懷、藝文類聚七

滄海賦

徒觀其狀也、則湯湯蕩蕩、濶漫形沈、流沫千里、懸水萬丈、測之莫
量、其深望之不見、其廣無遠不集、靡幽不通、羣溪俱息、萬流來同、
含三河而納四瀆、朝五湖而夕九江、陰霖則興雲降雨、陽霽則吐
霞曜日、煮水而鹽成、剖蚌而珠出、其中有蓬萊名嶽、青丘奇山、阜
陵別島、嶼環其間、其山則嶢崔嵬、崑崙嵯峨、降屈披滄流、曰特起、擢
崇基而秀出、其魚則有吞舟鯨鯢、鰐鰕龍鬚、案御覽九百三十九引此賦云鯨魚鰐鰕
當是此下供條曰豺口、狸斑雉、怪體異名、不可勝圖、其虫獸則
文尚有決

素蛟丹虬元龜靈龜修龜巨龜紫貝騰蛇玄螭蚺虬赤龍焚殖遷
體改角推舊納新舉扶搖曰抗翼泛陽侯曰濯鱗其禽鳥則鷗鴈
鸕鶿鳩鷺鵒鵒朱背焯焯縹翠蔥青詳察浪波之來往遍聽奔激
之音響力勢之所迢薄潤澤之所彌廣普天之極大橫率土而莫
兩

藝文類
聚八

西征賦

歲次玄枵月旅製賓丙丁統日乙未御辰潘子憑軾西征自京徂
秦迺喟然歎曰古往今來邈矣悠哉寥廓恍惚化一氣而甄三才
此三才者天地人道唯生與位謂之大寶生有修短之命位有通
塞之遇鬼神莫能要聖智弗能豫常依明之威世託菲薄之陋質
納旌弓于鉉台讚庶績于帝室嗟鄙夫之常累固既得而患失無
柳季之直道佐士師而一黜武皇忽其升遐八音過于四海天子
寢于諒闇百官聽于冢宰彼負荷之殊重雖伊周其猶殆窺七貴

于漢庭諱一姓之或在無危明曰安位祗居逼曰示專陷亂逆曰受戮匪禍降之自天孔隨時曰行藏適與國而舒卷荷蔽微曰繆章患過辟之未遠悟山潛之逸士卓長往而不反陋吾人之拘繫飄萍浮而蓬轉寮位偏其隆替名節濯曰隳落危素卵之累殼其玄鷺之巢幕心戰懼曰兢悚如臨深而履薄夕獲歸于都外宵未中而難作匪擇木曰棲集眇林焚而鳥存遭千載之嘉會皇合德于乾坤弛秋霜之嚴威流春澤之渥恩甄大義曰明責反初服于私門皇鑒撥余之忠誠俄命余曰末班牧疲人于西夏攜老幼而入關亡去魯而顧歎季過沛而涕零伊故鄉之可懷疚聖達之幽情矧匹夫之安土邀投身于鎬京猶犬馬之戀主竊託慕于闕庭眷羣洛而掩涕思纏綿于墳塋爾乃越平樂過街郵秣馬皋門稅駕西周達矣姬德興自高辛思文后稷厥初生民率西水滸化流岐幽祚隆昌發舊邦惟新旋牧野而歷茲愈守柔曰執競夜申旦

而不寐憂天保之未定惟泰山其猶危祀八百而餘慶墜亡王之
驕淫竄南巢曰投命坐積薪曰待然方指日而比威人度量之乖
舛何相越之遼迥攷土中于斯邑成建都而營築既定鼎于郊廓
遂鑽龜而啟繇平失道而來遷繫二國而是祐豈時王之無僻賴
先哲曰長懋望圉北之兩門感號鄭之納惠討子頽之樂禍尤關
西之効戾重戮帶曰定襄弘大順曰霸世靈壅川曰止關晉演義
曰獻說者景悼曰迄丐政凌遲而彌季俾庶朝之構逆歷兩王而
千位踰十葉曰逮赧邦分崩而爲二竟橫噬于虎口翰文武之神
器澡孝水而濯纓嘉美名之在茲天赤子于新安坎路側而瘞之
亭有千秋之號子無七旬之期雖勉勵于延吳實潛慟乎余慈胥
山川曰懷古悵攬轡于中途虐項氏之肆暴坑降卒之無辜激秦
人曰歸德成劉后之來蘇事回沈而好還卒宗滅而身屠經澠池
而長想停余車而不進秦虎狼之疆國趙侵弱之餘燼超入險而

高會、杖命世之英、蘭恥東、瑟之偏鼓、提西缶而接刃、辱十城之虛壽、奄咸陽、曰取僞、出申威于河外、何猛氣之咆勃、入屈節于廉公、若四體之無骨、處智勇之淵偉、方鄙公之忿恨、雖改日而易歲、無等級、曰寄言、當光武之蒙塵、致王誅于赤眉、異奉辭、曰伐罪、初垂翅于回谿、不尤、曾曰掩德、終奮翼而高揮、建佐命之元勳、振皇綱而更維、登峭坂之威夷、仰崇嶺之嵯峨、皋記墳于南陵、文違風于北阿、蹇哭孟、曰審敗、襄墨纒、曰授戈、曾隻輪之不反、練三帥、曰濟河、值庸主之矜愎、殆肆叔于朝市、任好綽其餘裕、獨引過、曰歸已、明三敗而不黜、卒陵晉、曰雪恥、豈虛名之可立、良致霸其有、曰降曲峭而憐號、託與國于亡虞、食誘賂、曰賣鄰、不及臘而就拘、垂棘反于故府、屈產服于晉輿、德不建而民無援、仲雍之祀忽諸、我徂安陽、言陟陝、郛行平漫、憤之口、憩乎曹陽之墟、美哉邈乎、茲土之舊也、固乃周邵之所分、二南之所交、麟趾信于關雎、騶虞應乎鵲

巢慈漢氏之剝亂朝流亡呂離析卓滔天呂大滌劫宮廟而遷迹
仲萬乘之威尊降遙思于征役顧請旋于館汜既獲許而中陽迫
皇駕而驟戰望玉輅而縱鎗痛百寮之勤王咸畢力呂致死分身
首于鋒刃洞胷腋呂流矢有褰裳呂投岸或攘袂呂赴水傷梓機
之禍小撮舟中而拘指升曲沃而惆悵惜兆亂而兄替枝末大而
本披都偶國而禍結臧札飄其高厲委曹吳而成節何莊武之無
取徒利開而義閉踰函谷之重阻看天險之衿帶迹諸侯之勇怯
算贏氏之利害或開關呂延敵競遞迷呂奔竄有縶門而莫啟不
窺兵于山外連雞互而不棲小國合而成大豈他勢之安危信人
事之否泰漢六某而拓畿縣弘農而遠關厭紫極之閑敞甘微行
呂遊盤長傲賓于柏谷妻觀貌而獻餐疇匹婦其已泰胡厥夫之
繆官昔明王之巡幸固清道而後往懼銜轂之或變峻徒御呂誅
賞彼白龍之魚服挂象且之密網輕帝重于天下奚斯漸之可長

弔戾園于湖邑、諒遺世之巫蠱、探隱伏于難明、委讒賊之趙虞、加
顯戮于儲貳、絕肌膚而不顧、作歸來之悲臺、徒望思其何補、紛吾
既邁此全節、又繼之曰盤桓、問休牛之故林、咸徵名于桃園、發閭
鄉而警策、烈黃巷曰濟潼、眺華岳之陰崖、覲高掌之遺蹤、憶江使
之反壁、告亡期于祖龍、不語怪曰微異、我聞之于孔公、愠韓馬之
大慙、阻關谷曰稱亂、魏武赫曰雷霆、奉義辭曰伐叛、彼雖眾其焉
用、故制勝于廟算、殲揚梓曰振塵、繼瓦解而冰泮、超遂遁而奔狄、
甲卒化爲京觀、倦狹路之迫隘、軌躊躇曰低仰、蹈秦郊而始闢、豁
爽嶺曰宏壯、黃壤千里、沃野彌望、華實紛敷、桑麻條暢、邪界褒斜、
右濱泝隴、寶雞前鳴、甘泉後涌、面終南而背雲陽、跨平原而連嶓
冢、九嶷嶺嶺、太一龍嵒、吐清風之颺戾、納歸雲之鬱鬱、南有玄灞
素滻、湯井溫谷、北有清渭濁涇、蘭池周曲、浸浹鄴白之渠、漕引淮
海之粟、林披有郛之竹、山挺藍田之玉、班述陸海珍藏、張敘神皋

陝區此西賓所已言于東主安處所已聽于憑虛也可不謂然乎
勁松彰于歲寒貞臣見于國危入鄭都而抵掌義桓友之忠規竭
股肱于昏主赴塗炭而不移世善職于司徒緇衣獎而改爲履犬
戎之侵地疾幽后之詭惑舉僞烽曰沮眾淫嬖褒曰縱匿軍敗戲
水之上身死驪山之北赫赫宗周威爲亡國又有繼于此者異哉
秦始皇之爲君也傾天下曰厚葬自開闢而未聞匠人勞而弗圖
俾生理曰報勤外罹西楚之禍內受牧豎之焚語曰行無禮必自
及此非其效與乾坤曰有親可久君子曰厚德載物觀夫漢高之
興也非徒聰明神武豁達大度而已也乃實慎終追舊篤誠款愛
澤靡不漸恩無不逮率土且弗遺而況于鄰里乎況于鄉士乎于
斯時也乃摹寫舊豐製造新邑故社易置枌榆遷立街衢如一庭
宇相襲渾雞犬而亂放各識家而競入籍含怒于鴻門沛跼蹐而
來王范謀害而弗許陰授劒曰約莊擗白刃曰萬舞危冬葉之待

霜履虎尾而不噬、實要伯于子房、樊抗憤呂卮酒、咀彘肩、目激揚、忽蛇變而龍據、雄霸上而高驤、曾遷怒而橫撞、碎玉斗其何傷、嬰臂組于軹塗、投素車而肉袒、疏飲餞于東都、畏極位之威滿、金墉鬱其萬雉、峻嶒峭已繩直、戾飲馬之陽橋、踐宣平之清閭、都中雜運戶千人億、華夷士女、駢田逼側、展名京之初儀、卽新館而蒞職、勵疲鈍、已臨朝、勸自強而不息、于是孟秋爰謝、聽覽餘日、巡省農功、周行廬室、街里蕭條、邑居散逸、營宇寺署、肆座管庫、葺芮于城隅者、百不處一、所謂尚冠修成、黃棘宣明、建陽昌陰、北煥南平、皆夷漫條蕩、亡其處而有其名、爾乃階長樂、登未央、汎太液、凌建章、縈駁姿而款駘盪、轡枋詣而轢承光、徘徊桂宮、惆悵柏梁、驚雉雉于臺陂、狐兔窟于股傍、何黍苗之離離、而余思之芒芒、洪鍾頓于毀廟、乘風廢而弗縣、禁省鞠爲茂草、金狄遷于潞川、懷夫蕭曹魏邴之相、辛李衛霍之將、銜使則蘇屬國、震遠則張博望、教敷而彝

倫敘兵舉而皇威曜、臨危而智勇奮、投命而高節亮、暨乎桀、侯之
忠孝、陷深陸賈之優游、宴喜、長卿淵雲之文子、長政駿之史、趙張
三王之尹京、定國釋之之聽理、汲長孺之正直、鄭當時之推士、終
童山東之英妙、賈生洛陽之才子、飛翠綾、拖鳴玉、已出入禁門者
微矣、或被髮左衽、奮迅泥滓、或從容傳會、望表知裏、或著顯績而
嬰時戮、或有大才而無貴仕、皆揚清風于土烈、垂令聞而不可已、想
珮聲之遺響、若鏗鏘之在耳、當音鳳恭顯之任勢也、乃熏灼四方、
震耀都鄙、而死之日、曾不得與夫十餘公之徒、隸齒、才難不其然
乎、望漸臺而扼腕、梟巨猾而餘怒、揖不疑于北闕、軾轡里于武庫、
酒池鑒于商辛、追覆車而不寤、曲陽僭于白虎、化奢淫而無度、命
有始而必終、孰長生而久視、武雄略其焉在近、惑文成而溺五利、
倖造化、已制作、窮山海之奧祕、靈若翔于神島、奔鯨浪而失水、爆
鱗骼于漫沙、隕明月已雙墜、擢仙掌已承露、干雲漢而上至、致叩

蒨其奚難。惟余欲而是恣。縱逸遊于角觝。絡甲乙。呂珠翠。忍生民之減半。勒東岳。曰虛美。超長懷。曰遐念。若循環之無賜。較面朝之煥炳。次後庭之猗靡。壯當熊之忠勇。深辭輦之明智。衛鬢髮。曰光鑒。趙輕體之纖麗。咸善立而聲流。亦寵極而禍侈。津便門。曰右轉。究吾境之所暨。掩細柳而撫劍。使孝文之命帥。周受命。曰忘身。明戎政之果毅。距華蓋于壘和。案乘輿之尊轡。肅天威之臨顏。率軍禮。曰長擡。輕棘霸之兒戲。重條侯之倨貴。崇杜郵其焉在。云孝里之前號。憫輟駕而容與。哀武安。曰興悼。爭伐趙。曰徇國。定廟算之勝負。并矢言而不納。反推怨。曰歸咎。未十里于遷路。尋賜劍。曰勿首。嗟主闇而臣嫉。禍于何而不有。窺秦墟于渭城。冀闕緬其埋盡。覓陞殿之餘基。裁岐岷。曰隱嶙。想趙使之抱壁。瀏睨楹。曰抗憤。燕圖窮而荆發。紛絕袖而自引。筑聲厲而高奮。狙潛鈎。曰脫膺。據天位其若茲。亦狼狽而可惡。簡良人。曰自輔。謂斯忠而執賢。寄苛制。

于捐灰、矯扶蘇于朔邊、儒林填于坑穽、詩書燬而爲煙、國滅亡、目
斷後身、刑轢已啟前、商法馬得已宿、黃犬何可復牽、野蒲變而成
脯、苑鹿化已爲馬、假譏逆已天權、鉗眾口而寄坐、兵在頸而顧問
何不早而告我、願黔黎其誰聽、惟請死而獲可、健子嬰之果決、敢
討賊已紓禍、勢土崩而莫振、作降王于路左、蕭收圖已相劉、料險
易與眾寡、羽天與而弗取、冠沐猴而縱火、貫三光而洞九泉、曾未
足已喻其高下也、感市閭之蔽井、歎尸韓之舊處、承屬號而守關、
人百身已納贖、豈生命之易投、誠惠愛之洽著、許望之已求直、亦
余心之所惡、思夫人之政術、實幹時之良具、苟明法已釋憾、不愛
才已成務、弘大體已高貴、非所望于蕭傅、造長山而慷慨、俾龍顏
之英主、曾中節其洞開、羣善湊而必舉、存威格乎天區、亡墳掘而
莫禦、臨檢坎而累井、步毀垣已延仲、越安陵而無譏、諒惠聲之寂
寞、弔爰絲之正義、伏梁劒于東郭、訊景皇于陽丘、笑信譖而矜譴、

隕吳嗣于局下、蓋發怒于一博、成七國之稱亂、勦助逆、目誅錯、恨
過聽而無討、茲沮善而勸惡、皆孝元于涓塋、執奄尹、目明貶、褒夫
君之善行、廢園邑、目崇儉、過延門而責成、忠何辜而爲戮、陷社稷
之王章、俾幽死而莫鞠、怵淫嬖之旬忍、勦皇統之孕育、張舅氏之
姦、激貽漢宗、目傾覆、刺哀主于義域、僭天爵于高安、欲法堯而承
禪、永終古而不刊、瞰康園之孤墳、悲平后之專絜、殃厥父之篡逆、
蒙漢恥而不雪、激義誠而引決、赴丹爛、目明節、投宮火而焦糜、從
灰燼而俱滅、驚橫橋而旋軫、歷敝邑之南垂、門礮石而梁木蘭兮、
構阿房之屈奇、疏南山、目表闕、倬樊川、目激池、役鬼脩其猶石、矧
人力之所爲、工徒斲而未息、義兵紛、目交馳、宗祧汙而爲沼、豈斯
宇之獨隳、由僞新之九廟、夸宗虞而祖黃、驅吁嗟而妖臨、搜倭哀
目拜郎、誦六藝、目飾姦、焚詩書而面牆、心不則于德義、雖異術而
同亡、宗孝宣于樂游、紹衰緒、目中興、不獲事于敬養、盡加隆于園

凌兆惟奉明，邑號千人。訕諸故老，造自帝詢。隱王母之非命，縱聲
樂目娛神。雖靡率于舊典，亦觀過而知仁。憑高望之陽隈，體川陸
之汗隆。開襟乎清暑之館，游目乎五柞之宮。交渠引漕，激湍生風。
乃有昆明池乎其中，其池則湯湯汗汗，混漾彌漫，浩如河漢。日月
麗天，出乎東西。旦似湯谷，夕類虞淵。昔豫章之名宇，披玄流而特
起。儀景星于天漢，列牛女以雙峙。崑崙載而不傾，奄摧落于十紀。
擢百尋之層觀，今數仞之餘趾。振鷺于飛，鳧躍鴻漸。乘雲頡頏，隨
波澹淡。瀾澾驚波，嘒嘒陵苒。華蓮爛于淥沼，青葙蔚乎翠潏。伊茲
池之肇寔，肆水戰于荒服。志勤遠日，極武良無。要于後福，而菜蔬
芼實。水物惟錯，乃有贍乎原陸。在皇代而物土，故毀之而又復。凡
厥寮司，既富而教。咸師貧情，同整戰懼。收畧課獲，引繳舉效。鰥夫
有室，愁民目樂。徒觀其鼓枻迴輪，灑釣投網。垂餌出入，挺叉來往。
纖經連白，鳴根厲響。貫鰓寫尾，掣三牽兩。于是弛青鯢于網鉅，解

赧鯉于黏微華鮐躍鱗素鱖揚鬚雍人縷切鸞刀若飛應刃落俎
霍霍霏霏紅鮮紛其初載賓旅竦而遲御既餐服曰屬厭泊恬靜
曰無欲迴小人之腹爲君子之慮爾乃端策拂茵彈冠振衣徘徊
酆鎬如渴如飢心翹慙曰仰止不加敬而自祇豈三聖之敢夢竊
十亂之或希經始靈臺成之不日惟豐及鄙仍京其室庶人子來
神降之吉積德延祚莫二其一永惟此邦云誰之識越可略聞而
難臻其極子羸鋤曰借父訓秦法而著色耕讓畔曰閑田沾姬化
而生棘蘇張喜而詐騁虞芮愧而訟息由此觀之士無常俗而教
有定式上之邇下均之埏埴五方雜會風流洞濬情農好利不昏
作勞密邇獫狁戎馬生郊而制者必割實存操刀人之升降與政
隆替杖信則莫不用情無欲則賞之不竊雖智弗能理明弗能察
信此心也庶免夫戾如其禮樂曰俟來哲

賜進士出身三品銜廣東等處提刑按察使司按察使兼管驛傳事務黃岡王毓棻校刊

全晉文卷九十終

全晉文卷九十一

烏程嚴可均校輯

潘岳

懷舊賦 并序

余十二而獲見于父友東武戴侯楊君始見知名遂申之曰婚姻而道元公嗣亦隆世親之愛不幸短命父子凋殞余既有私艱且尋役于外不歷嵩丘之山者九年于茲矣今而經焉慨然懷舊而賦之曰

啟開陽而朝邁濟清洛曰徑渡晨風淒曰激冷夕雪霽曰掩路轍含冰曰滅軌水漸軻曰凝沍塗艱危其難進日晚晚而將暮仰瞻歸雲俛鏡泉流前瞻太室俯眺嵩丘東武託焉建塋啟矚巖巖雙表列列行楸望彼楸矣感于子思既興慕于戴侯亦感元而哀嗣墳壘壘而接壠柏森森曰檟植何逝沒之相尋曾舊草之未具余

總角而獲見承戴侯之清塵名余曰國士眷余曰嘉姻自祖考而
隆好逮二子而世親歡攜手曰偕老庶報德之有鄰今九載而一
來空館闕其無人陳荻被于堂除舊圃化而爲薪步庭廡曰徘徊
涕泣流而霑巾宵展轉而不寐聯長歎曰達晨獨鬱結其誰語聊
綴思于斯文

文選藝文類
聚三十四

悼亡賦

伊良嬪之初降幾二紀日迄茲遭兩門之不造備荼毒而嘗之嬰
生艱之至極又薄命而早終含芬華之芳烈翩零落而從風神麗
忽而不反形焉得而久安襲時服于遺賸表鉛華于餘顏問筵賓
之何期霄過分而參闌詎幾時而見之目眷戀目相屬聽輒人之
唱籌來聲叫日連續聞冬夜之恆長何此夕之一促且伉儷之片
合垂明哲乎嘉禮苟此義之不謬乃全身之半體吾聞喪禮之在
妻謂制重而哀輕既履冰而知寒吾今信其緣情夕既昏兮朝既

清延爾族今臨後庭入空室兮望靈座帷飄飄兮燈熒熒燈熒熒
兮如故帷飄飄兮若存物未改兮人已化饋生塵兮酒停樽春風
兮泮水初陽兮戒溫逝遙遙兮浸遠嗟熒熒兮孤魂

藝文類聚
三十四

寡婦賦

并序

樂安任子咸有韜世之量與余少而歡焉雖兄弟之愛無日加也
不幸弱冠而終良友既沒何痛如之其妻又吾姨也少喪父母適
人而所天又殞孤女藐焉始孩斯亦生民之至艱而荼毒之極哀
也昔阮瑀既歿魏文悼之並命知舊作寡婦之賦余遂擬之曰敘
其孤寡之心焉其辭曰

嗟子生之不造兮哀天難之匪忱少伶俜而偏孤兮痛切怛已摧
心覽寒泉之遺歎兮詠蓼莪之餘音情長感已永慕兮思彌遠而
逾深伊女子之有行兮爰奉嬪于高族承慶雲之光覆兮荷君子
之惠渥顧葛藟之蔓延兮託微莖于樛木懼身輕而施重兮若履

冰而臨谷、遵義方之明訓兮、憲女史之典戒、奉烝嘗以效順兮、供
灑掃以彌載、彼詩人之攸歎兮、徒願言而心痾、何遭命之奇薄兮、
遭天禍之未悔、榮華晬其始茂兮、良人忽已捐背、靜闔門以窮居
兮、塊然獨而靡依、易錦茵以苦席兮、代羅幃以素帷、命阿保而就
列兮、覽巾篋以舒悲、口嗚咽以失聲兮、淚橫迸而霑衣、愁煩冤其
誰告兮、提孤孩于坐側、時曖曖而向昏兮、日杳杳而西匿、雀羣飛
而赴楹兮、雞登樓而斂翼、歸空館而自憐兮、撫衾裯以歎息、思纏
綿以督亂兮、心摧傷以愴惻、嚙靈晷而遄邁兮、四節運而推移、天
凝露以降霜兮、木落葉而隕枝、仰神宇之寥寥兮、瞻靈衣之披披、
退幽悲于堂隅兮、進獨拜于牀垂、耳傾想于疇昔兮、目彷彿乎平
素、雖冥冥而罔覲兮、猶依依以憑附、痛存亡之殊制兮、將遷神而
安厝、龍輶儼其星駕兮、飛旒翩以啟路、輪案軌以徐進兮、馬悲鳴
而踟顧、潛靈邀其不反兮、殷憂結而靡訴、踰彤影于几筵兮、馳精

爽于丘墓自仲秋而在疚兮踰履霜已踐冰雪霏霏而驟落兮風
瀏瀏而夙興雷洽洽日夜下兮水漣漣已微凝意忽恍已遷越兮
神一夕而九升庶浸遠而哀降兮情惻惻而彌其願假夢已通靈
兮目炯炯而不寢夜漫漫已悠悠兮寒淒淒已凜凜氣憤薄而乘
曾兮涕交橫而流枕亡魂逝而永遠兮時歲忽其適盡容貌偶已
顛顛兮左右懷其相慙感三良之殉秦兮甘捐生而自引鞠稚子
于懷抱兮羌低徊而不忍獨指景而心誓兮雖形存而志隕重曰
仰皇穹兮歎息私自憐兮何極省微身兮孤弱顧稚子兮未識如
涉川兮無梁若陵虛兮失翼上瞻兮遺象下臨兮泉壤窈冥兮潛
翳心存兮目想奉虛坐兮肅清愬空宇兮曠朗廓孤立兮顧影塊
獨言兮聽響顧影兮傷摧聽響兮增哀遙逝兮逾遠緬邈兮長乖
四節流兮忽代序歲云暮兮日西頽霜被庭兮風入室夜旣分兮
星漢迴夢良人兮來遊若閨闔兮洞開但驚悟兮無聞超微恍兮

慟懷慟懷兮柰何言陟兮山阿墓門兮肅肅修壟兮戢戢孤鳥嚶
兮悲鳴長松萋兮振柯哀鬱結兮交集淚橫流兮滂沱蹈恭姜兮
明誓詠柏舟兮清歌終歸骨兮山足存憑託兮餘華要吾君兮同
穴之死矢兮靡佗

文選載文類
聚三十四

藉田賦

伊晉之四年正月丁未皇帝親率羣后藉于千畝之甸禮也于是
乃使甸帥清畿野廬埽路封人遺宮掌舍設板青壇蔚其嶽立兮
翠幕黝呂雲布結崇基之靈趾兮啟回塗之廣阡沃野墳腴膏壤
平砥清洛濁渠引流激水遐阡繩直邇陌如矢總轡服于縹輓兮
紺轅綴于黛耜儼儲駕于塵左兮俟萬乘之躬履百僚先置位已
職分自上下下具惟命臣襲春服之萋萋兮接游車之鱗鱗微風
生于輕幘纖埃起于朱輪森奉璋已階列望皇軒而肅震若湛露
之晞朝陽似眾星之拱北辰也于是前驅魚麗屬車鱗鱗閭闔洞

版參塗方馴常伯陪乘太僕秉轡后妃獻種稂之種司農撰播殖
之器挈壺掌升降之節宮正設門閭之蹕天子乃御玉輦陰華蓋
衝牙鉦鎗綃紉綵絲金根照耀日炯晃兮龍驤騰驤而沛艾表朱
玄于離坎飛青縞于震兌中黃晷日發揮方綵紛其繁會五輅鳴
鑾九旗揚旒瓊鋌入藻雲罕陞謠簫管嘲晰日啾嘈兮鼓鞀礧隱
日辟礧筍簾疑日軒翥兮洪鐘越乎區外震震填填塵驚連天日
幸乎藉田蟬冕頽日灼灼兮碧色肅其千千似夜光之剖荆璞兮
若茂松之依山巔也于是我皇乃降靈壇撫御耜耜坻塲染屨洪靡
在手三推而舍庶人終畝貴賤日班或五或九于斯時也居靡都
鄙民無華裔長幼雜還日交集士女頒賦而咸戾被褐振裾垂髻
總髮蹢躅側肩倚裳連襪黃塵爲之四合兮陽光爲之潛翳動容
發言而觀者莫不抃舞乎康衢謳吟乎聖世情欣樂于昏作兮虛
盡力乎樹藝靡誰督而常勤兮莫之課而自厲躬先勞日說使兮

豈嚴刑而猛制之哉有邑老田父或進而稱曰蓋損益隨時理有常然高曰下爲基民曰食爲天正其末者端其本善其後者慎其先夫九土之宜弗任四人之務不壹野有菜蔬之色朝靡代耕之秩無儲穡曰虞災徒望歲曰自必三季之衰皆此物也今聖上昧旦丕顯夕惕若慄圖匱于豐防儉于逸欽哉欽哉惟穀之卹展三時之弘務致倉廩于盈溢固堯湯之用心而存救之要術也若乃廟祧有事祝宗諏日簠簋簠淖則此之自實縮豈蕭茅又于是乎出黍稷馨香旨酒嘉粟宜其民和年登而神降之吉也古人有言曰聖人之德無曰加于孝乎夫孝天地之性人之所由靈也昔者明王曰孝治天下其或繼之者鮮哉希矣逮我皇晉實光斯道儀刑乎于萬國愛敬盡于祖考故躬稼曰供粢盛所曰致孝也勸穡曰足百姓所曰固本也能本而孝威德大業至矣哉此一役也而二美具焉不亦遠乎不亦重乎敢作頌曰

思樂旬畿薄采其芽大君戾止言藉其農其農三推萬方已祇禱
我公田實及我私我簋斯盛我簠斯齊我倉如陵我庾如坻念茲
在茲永言孝思人力普存祝史正辭神祇攸歆逸豫無期一人有
慶兆民賴之

文選魏文類
歌三十九

閑居賦

岳嘗請汲黯傳至司馬安四至九卿而良史書之題曰巧宦之目
未嘗不慨然廢書而歎曰嗟乎巧誠有之拙亦宜然顧常曰爲士
之生也非至聖無軌微妙立通者則必立功立事效當年之用是
目資忠履信曰進德修辭立誠曰居業僕少竊鄉曲之譽忝司空
太尉之命所奉之主卽太宰魯武公其人也舉秀才爲郎逮事世
祖武皇帝爲河陽懷令尚書郎廷尉評今天子諒闇之際領太傅
主簿府主誅除名爲民俄而復官除長安令遷博士未召拜親疾
輒去官免自弱冠涉乎知命之年八徙官而一進階再免一除名

一不拜職遷者三而已矣。雖通塞有遇，抑亦拙者之效也。昔通人和長輿之論余也，因謂拙于用多，稱多則吾豈敢言拙。信而有徵，方今俊乂在官，百工惟時，拙者可已。絕意乎寵榮之事矣。大夫人。在堂有羸老之疾，尚何能違膝下色養，而屑屑從斗筲之役乎。于是覽止足之分，庶浮雲之志，築室種樹，逍遙自得。池沼足已，漁釣。春稅足已，代耕。灌園粥蔬，已供朝夕之膳。牧羊酤酪，已俟伏臘之費。孝乎惟孝，友于兄弟，此亦拙者之爲政也。乃作閑居賦，已歌事遂情焉。其辭曰：

傲墳素之場圃，步先哲之高衢。雖吾顏之云厚，猶內媿于甯蘧。有道吾不仕，無道吾不愚。何巧智之不足，而拙艱之有餘也。于是退而閑居于洛之涘，身齊逸民，名綴下士。陪京弄伊，而郊後市。浮梁黜已，徑度靈臺，傑其高峙。闕天文之祀，與究人事之終始。其西則有元戎禁營，玄幘綠微，谿子巨黍，異秦同機。礮石雷駭，激矢雷飛。

日先啟行、耀我皇威、其東則明堂、辟廱、清穆敞閑、環林繁映、圓海
迴淵、聿追孝曰嚴父、宗文考曰配天、祇聖敬曰明順、養更老曰崇
年、若乃背冬涉春、陰謝陽施、天子有事于柴燎、曰郊祖而展義、張
鈞天之廣樂、備千乘之萬騎、服振振曰齊玄、管啾啾而竝吹、煌煌
乎、隱隱乎、茲禮容之壯觀、而王制之巨麗也、兩學齊列、雙宇如一、
右延國胄、左納良逸、禘禘生徒、濟濟儒術、或升之堂、或入之室、教
無常師、道在則是、故髦士投紱、名王懷璽、訓若風行、應如草靡、此
里仁所曰爲美、孟母所曰三徙也、爰定我居、築室穿池、長楊映沼、
芳枳樹籬、游鱗灑澗、菡萏敷披、竹木翳藹、靈果參差、張公大谷之
梨、梁侯烏桕之柿、周文弱枝之棗、房陵朱仲之李、靡不畢殖、三桃
表櫻胡之別、二柰曜丹白之色、石櫛蒲陶之珍、磊落蔓衍乎其側、
梅杏郁棣之屬、繁榮麗藻之飾、華實照爛、言所不能極也、菜則蔥
韭、蒜芋、青筍、紫萁、藟薺、甘旨、蓼菱、芬芳、蕤荷依陰、時藿向陽、綠蔕

含露白，艸負霜。于是凜秋暑退，熙春寒往。微雨新晴，六合清明。太夫人乃御版輿，升輕軒，遠覽王畿，近周家園。體曰行和，藥曰勞宣。常膳載加，舊痾有痊。席長筵列，孫子柳垂陰。車結軌，陸槩紫房。水挂頰，鯉或宴于林。或禊于汜，昆弟班白。兒童稚齒，稱萬壽曰獻觴。或一懼而一喜，壽觴舉，慈顏和。浮杯樂飲，絲竹駢羅。頓足起舞，抗音高歌。人生安樂，孰知其他。退求已而自省，信用薄而才劣。奉周任之格言，敢陳力而就列。幾隨身之不保，尚奚擬于明哲。仰眾妙而絕思，終優遊曰養拙。

文選藝文類聚六十四

狹室賦

歷甲第，目遊觀。施陋巷而言歸，伊余館之褊狹。良窮樊而極微，閤了戾，已互掩門。崎嶇而外扉，室側戶，已攢楹。檐接拒而交橫，當祝融之御節，熾朱明之隆暑。口日暍，已耀庭。赫風熾其灼宇，

一句從北堂書

鈔一百五十六

五沸體怒其如饒，珠汗揮其如雨。若乃重陰晦冥，天威震

曜漢涼沸騰、滂泗奔激、白竈爲之沈溺、器用爲之浮漂、彼處貧而不怨、嗟民生之收難、匪廣廈之足榮、有切身之近患、青陽萌而畏暑、白藏兆而懼寒、獨味道而不悶、喟然向其時歎、藝文類聚六十四

笙賦

河汾之寶、有曲沃之懸匏焉、鄒魯之珍、有汶陽之孤篠焉、若乃懸蔓紛敷之麗、浸潤靈液之滋、隅隈夷險之勢、禽鳥翔集之嬉、固眾作者之所詳、余可得而略之也、徒觀其制器也、則審洪纖、面短長、別生篴、裁熟簧、設宮分羽、經徵列商、泄之反謚、厭焉乃揭、管櫛羅而表列、音要妙而含清、各守一旨、司應統大、魁旨爲笙、基黃鍾旨舉韻、望鳳儀旨擢形、寫皇翼旨插羽、摹鸞音旨厲聲、如鳥斯企、翺翺歧歧、明珠在味、若銜若垂、修樹內辟、餘簫外透、駢田犢擺、鯽鯽參差、于是乃有始秦終約、前榮後悴、激憤于今賤、水懷乎故貴、眾滿堂而飲酒、猶向隅旨掩淚、援鳴笙而將吹、先嘔噦旨理氣、初雍

容目安暇中佛鬱目佛惘終嵬義目蹇愕又馳還而繁沸罔浪孟
目惆悵若欲絕而復肆惻愴繹目奔逸侶將放而中匿愀愴惻惻
悲轉煜煜汎淫汜豔雪晬岌岌或按衍夷靡或踈踴剽急或既往
不反或已出復入徘徊布濩渙衍葦曼舞既蹈而中輟節將撫而
弗及樂聲發而盡室歎悲音奏而列坐泣攝纖縞目震幽竇越上
筩而通下管應吹喻目往來隨抑揚目虛滿勃慷慨目膠亮顧躊
躇目舒緩輟張女之哀彈流廣陵之名散詠園桃之天天歌東下
之簫簫歌曰棗下簫簫朱實離離宛其落矣化爲枯枝人生不能
行樂死何目虛謔爲爾乃引飛龍鳴臨雞雙鴻翔白鶴飛子喬輕
舉明君懷歸荆王喟其長吟楚妃歎而增悲夫其悽戾辛酸嚶嚶
關關若離鴻之鳴子也含啁啾諧雍雍喈喈若羣雛之從母也郁
摛劫悟汎宏融裔哇咬嘲喘一何察惠訣厲悄切又何磬折若夫
時陽初暖臨川送離酒酣徒擾樂闌日移疏客始闌主人微疲弛

紆翰篇、徹垣屏、篋爾乃促中筵、攜友生、解嚴顏、擢幽情、披黃包、已
投甘、傾縹瓷、已酌、酈光、歧儼其偕列、雙鳳嘈已、和鳴、晉野悚而投
琴、汎齊瑟、與秦箏、新聲變曲、奇韻橫逸、繁纏歌鼓、網羅鍾律、欄溜
燭已放、豔鬱蓬勃、已氣出、秋風詠于蕪路、天光重乎朝日、大不踰
宮、細不過羽、唱發章夏、導揚韶武、協和陳宋、混一齊楚、邇不逼而
遠無攜、聲成文而節有敘、彼政有失得、而化已醇薄、樂所已移、風
于善、亦所已易、俗于惡、故絲竹之器未改、而桑濮之流已作、惟箏
也能研羣聲之清、惟笙也能總眾清之林、衛無所措其邪、鄭無所
容其淫、非天下之和樂、不易之德音、其孰能與于此乎、文選

相風賦

采修竹于層城、歷寒暑而靡凋、踞神獸于下趾、棲靈鳥于上標、混
元恍其初判、二氣變而無窮、動靡微而不兆、象有始而必終、思先
天而不遑、立成器已相風、棲靈鳥于帝庭、似月離乎紫宮、飛輕羽

于竿杪若翔鸞平雲中廣漠興而習坎景風發而迴離閭闔揚而
曲指明庶起而東移

藝文類聚
六十八

秋菊賦

馨達幽遠光燭隰原招仙致靈儀鳳舞鸞飛葦散英倚靡相尋垂
采煒于芙蓉流芳越乎蘭林游女望榮而巧笑鵲鵲遙集而弄音
若乃真人采其實王母接其葩汎流英于清醴似浮萍之隨波或
充虛而養氣或增妖而揚娥既延期曰永壽又蠲疾而弭疴藝文
類聚
八十一文選陶潛雜詩注並作潘岳初學記二十七引兩條
御覽九百九十六並作潘尼張揖補入潘岳集今姑從之

蓮花賦

偉玄澤之普衍嘉植物之竝敷遊莫美于春臺華莫盛于芙蕖于
是惠風動沖氣和眄清池翫蓮花舒綠葉挺纖柯結綠房列紅葩
仰含清液俯濯素波修柯婀娜柔葉再弱流風徐轉迴波微激其
望之也睚若瞰日燭崑山其卽之也晃若盈尺映藍田

藝文類聚
八十二

芙蓉賦

蔭蘭池之豐沼，育沃野之上腴。課眾榮而比觀，煥卓犖而獨殊。押
服雲布，宮陀星羅。光擬燭龍，色奪朝霞。丹輝拂紅，飛鬚垂的。斐披
絕赫，散煥爛流芬。賦采風靡，雲旋布濩。磊落蔓衍，天閑發清陽
而增媚。潤白玉而加鮮。蘇文類聚八十二

朝菌賦

井序

朝菌者，時人目爲薺華，莊生目爲朝菌。其物向晨而結，絕日而殞。
文選郭璞遊仙詩注 案潘尼亦有此賦序其文小異
奈何兮繁華朝榮，今夕斃。文選鮑照升天行注

賜進士出身一品銜廣東等處提刑按察使司按察使兼管驛傳事務黃岡王毓藻校刊

全晉文卷九十二

烏程嚴

潘岳

橘賦

并序

余齋前橘樹冬夏再孰聊爲賦云爾

嗟嘉卉之芳華信氛氲而芬馥既蒨葑而蓂蕤且參差而櫛蠹已
鬱鬱而冬茂亦離離而夏孰至如廣命賓客歷覽游觀三清既設
百味星爛炫煥乎玉案照耀于金盤故成都美其家園江陵重其
千樹既見稱于陸言亦標名乎馬賦

漢文類聚
八十六

河陽庭前安石橘賦

并序

安石橘者天下之奇樹九州之名果也是日屬文之士或敘而賦
之

御覽九
百七十

仰天路而高睎顧鄰國目相望位莫微于宰邑館莫陋于河陽雖

則陋館可已遨遊。實有嘉木曰安石。櫺修條外暢。榮幹內樛。扶疏
偃蹇。冉弱紛柔。于是暮春告謝。孟夏戒初。新莖擢潤。膏葉垂腴。曾
華眊目。先越含榮。鶚其方敷。丹暉綴于朱房。細的點乎紅鬚。煌煌
煒煒。熠燿委累。侶長離之栖鄧林。若珊瑚之映綠水。光明燐爍。含
丹耀紫。味滋芳神。色麗瓊蕊。遙而望之。煥若隨珠。耀重淵。詳而察
之。灼若列宿。出雲間。千房同模。十子如一。禦飢療渴。解醒止醉。既
乃攢乎狹庭。載阨載徧。土階無等。肩牆惟幾。壁衣蒼苔。瓦被駸蘇。
處悴而榮。在幽彌顯。其華可玩。其實可珍。羞于王公。薦于鬼神。豈
伊仄陋。用淪厥真。葉由如之。而況于人。疏文類聚八十六初學記
二十八御覽八百七又九

果賦

三十六園之朱李

御覽九百六十八

仙李縹而神李紅

同上

射雉賦

并序

余徙家于琅邪其俗實善射聊以講肄之餘暇而習媒翳之事遂

樂而賦之也

文選射雉賦注

涉青林以游覽兮樂羽族之羣飛聿采毛之英麗今有五色之名
蜚厲耿介之專心兮參雄豔之嫋姿巡上陵以經略兮畫墳衍而
分畿于時青陽告謝朱明肇授靡木不滋無草不茂初莖蔚其曜
新陳柯槭以改舊天泱泱以垂雲泉涓涓而吐溜麥漸漸以擢芒
雉鷩鷩而朝鴈晒箱籠以揭驕睨驍媒之變態奮勁翮以角槎隣
悍目以旁睒鷩綺翼而經撻灼繡頸而袞背鬱軒翥以餘怒思長
鳴目效能爾乃擊場拄翫停僮蔥翠綠柏參差文翻鱗次簫森繁
茂婉轉輕利衷料戾目徹鑒表厭蹕目密紋恐吾遊之晏起慮原
禽之罕至甘疲心于企想分倦目以寓視何調翰之喬桀邈疇類
而殊才候扇舉而清叫野聞聲而應媒褰微罟以長眺已踉蹌而

徐來摘朱冠之絕赫、敷藻翰之陪颺、首藥綠素、身挖黼繪、青鞵莎
靡、丹臆蘭綽、或蹶或啄、時行時止、班尾揚翹、雙角特起、良遊呃喔、
引之規裏、應叱愕立、搢身竦峙、捧黃閒日、密殼屬剛、罌日潛擬、倒
禽紛目迸落、機聲振而未已、山驚悍害、疾迅已甚、越壑凌岑、飛鳴
搏廩、鯨牙低鐵、心平望審、毛體摧落、霍若碎錦、逸羣之僞、擅場挾
兩、櫟雌妬異、倏來忽往、忌上風之餐切、畏映日之儻朗、屏發布而
累息、徒心煩而枝儀、伊義鳥之應敵、嗽接地目、厲響彼聆音而逕
進、忽交距目接壤、形盈窗目美發、紛首頽而臆仰、或乃崇墳夷靡、
農不易繼、穉菽蕞糲、翳蒼奉茸、鳴雄振羽、依于其冢、攔降上目馳
敵、雖形隱而草動、瞻挺穢之傾掉、意忿躍目振踊、嗽出苗目入場、
愈情駭而神悚、望緊合而翳晶、雉腴肩而旋踵、飲余志之精銳、擬
青顧而點頤、亦有目不步體、邪眺旁剔、靡聞而騰、無見自燃、周環
回復、繚繞磐辟、展翳旋把、縈隨所歷、彳亍中輟、被焉中鎖、前劇重

膺傍截疊翮若夫多疑少決膽劣心狷內無固守出不交戰來若處子去如激電闕問齒葉幘歷乍見于是算分銖商遠邇揆懸刀騁絕技如轆如軒不高不墀當味值胷裂膝破箝夷險殊地馴靡異變吳不暇食夕不告勸昔賈氏之如皋始解顏于一箭醜夫爲之改貌憾妻爲之釋怨彼遊田之致獲咸乘危日馳驚何斯藝之安逸羌禽從其己豫清道而行擇地而住尾飾鑣而在服肉登俎而永御豈唯阜隸此焉君舉若乃耽榮流遁放心不移忘其身恤司其雄雌樂而無節端操或虧此則老氏所誠君子不爲文選

螢火賦

嘉熠燿之精將與眾類乎超殊東山感而增歎行士慨而懷憂翔太陰之元昧抱夜光日清遊類若飛燄之霄逝葦似移星之雲流動集陽暉灼如隋珠熠燿熒熒若丹英之照葩飄飄類類初學記作款款若流金之在沙載飛載止光色孔嘉無聲無臭明影曠遐飲湛露

于曠野庇一葉之垂柯無干欲于萬物豈顧恤于網羅至夫重陰
之久風雨晦冥萬物眩惑翩翩獨征奇姿燎朗在陰益榮猶賢哲
之處時時昏昧而道明若蘭香之在幽越羣臭而弭馨隨陰陽之
飄緜非飲食之是營問孟斯之無忌希夷惠之清貞羨微蟲之琦
璋援彩筆曰爲銘

藝文類聚九十七初學記
三十御覽九百四十五

上關中詩表

詔臣作關中詩輒奉詔謁愚作詩一篇案漢紀孝明時護羌校尉
竇林上降羌顛岸曰爲羌豪岸兄顛吾復降問事狀林對前後兩
屈坐誣調下獄死齊萬年編戶隸屬爲日久矣而死生異辭必有
詭譎故引證喻曰懲不恪

文選關
中詩注

九品議

天生蒸民而樹之君使司牧之勿失其性君不獨治于是乎建牧
立監陳其輔佐故曰天工人其代之然則高官厚祿非明崇賢所

曰興治卑位下役非爲鄙愚所目供職雖或開榮辱之門有爭競之弊而百王莫之能易者此道不可目二故也方今天下隆平四海攸同薦賢達善各目類進夫觀民宣化爲治之本雖實小邑猶須其人又中正之身優劣懸殊苟知人者智則不知者謬矣其如達官各舉其屬萬獄九列朝所取信郡守雖輕有刺史存舉之當否實司其事攷績累名施黜陟焉進賢受賞不進賢甘戮沮勸旣明則人自爲謀庶公道大行而私謁息矣

藝文類聚卷五十二

上客舍議

被下尚書敕客舍廢農奸淫亡命敗亂法度皆當除外十里安一官舍老小民使守之又差吏掌主依官舍收錢數春農事興求須冬閑謹案客舍逆旅之設其所由來遠矣行者賴目頓止居者薄收其直交易貿遷各得其所官無役賦而因民成利惠加百姓而公無所費語曰許由辭帝堯之命而舍于逆旅春秋外傳曰晉陽

處父遇甯賊于逆旅魏武皇帝亦曰爲宜其詩曰逆旅整設日通
商賈然則自堯至于今未有不得客舍之法唯商鞅尤之此固非
聖世之所言也方今四海會同九服納貢八方翼翼公私滿路近
畿輻輳客舍亦稠冬有溫廬夏有涼蔭芻秣成行器用取給疲牛
必投乘涼近進發福寫鞍皆有所厝又諸劫盜皆起于迴絕而止
乎人眾十里蕭條則奸軌生心連陌接館則寇情震懾且聞聲有
救已發有追不救有罪不追有戮禁暴捕亡恆有司存凡此皆客
舍之益而官攤之所乏也又行者貪路告糴炊爨皆曰皆晨咸夏
晝熱又兼星夜既限早閉不及攤門或避晚關進逐路隅祇是慢
藏誨盜之原苟曰客舍多敗法教官守棘攤獨復何人彼河橋孟
津解券輸錢高第賢察數入校出品郎兩岸相檢猶懼或失之故
懸目祿利許目功報今賤吏疲人獨專攤稅管開閉之權藉不校
之勢此道路之蠹奸利所殖也率歷代之舊俗獲行畱之懼心使

客舍灑埽日待征旅擇家而息豈非眾庶願願之望藝文類聚卷六十四御覽一

百九十五

兩階銅人訓

言之有臧託乎多士言之不臧絕之由已無日莫俟宣于四海無日莫聞響振萬里樞機之發榮辱之徵怨豈在大纖芥是興藝文類聚

三十三

許由頌

邈哉許公執真履貞辭堯天下抱朴隱形川停岳峙澹泊無營棲遲高山與世靡爭虛薄忝任來宰斯城愧無惠化豹產之政戔戔治所樂慕景名登基逍遙來過基庭通于時憲頃匡不盈恨無旨酒奠公之靈死而不朽公有其榮聊述雅美揚公馨聲藝文類聚卷三十六

故太常任府君畫贊

堂堂我君鑒象開慶逸德宣猷含真履素味道無悶守終純固弓

與爰集撫翼清舉韓飛公庭龍升天路初掌萬國流化千里遂管
祕籍辯章舊史入登常伯出作卿士外內惟允庶績咸理中節日

新令問不已濟濟儒林翼翼國子

載文類聚四十九

學綜羣籍智周萬物

文選齊竟陵文宣王行狀注

荅摯虞新婚箴

先王制禮隨時爲正俯從企及豈乖物性女無二歸男有再聘女
實存色男實存德德在居正色在不惑故新舊兼弘義申理得然
性情之際誠難處心君子過慮爰獻明箴防微測顯文麗旨深敬
納嘉誨敢酬德音

藝文類聚四十初學記十四
案初學記題脫潘岳荅三字

世祖武皇帝誄

粵若稽古帝皇誕受休命作我晉室赫赫文皇配天竝日大行龍
飛創制改物沈恩汪濊流澤洋溢上齊七政下綏萬邦四門穆穆
五典克從惟清緝熙於變時雍愛盡事親教加百姓于喪過哀在

祭餘敬后羣冕服躬藉案威六伐畢奏九功威詠行敦醇樸思貫
玄妙莅政端位臨朝光曜胄子入學辟雍宗禮國老恂恂貴遊濟
濟莫孝匪子莫悌匪弟化自外明訓法曰禮曠彼吳楚稱亂三代
世歷五僞年幾百載邇垂虔劉王化阻闕羽檄星馳鉦鼓日戒帝
御羣師奉辭奪旅腹心庭爭爪牙疑沮天監獨照聖策乃舉朝服
濟江止戈曜武野無交兵役不淹月僭號歸命稽顙晉闕邪界蠻
流徬納百越表閭旌善德音爰發虞人獻箴周書垂誥酒懼其彝
獸戒其冒于我大行縱心所好動不踰矩性與道奧厭厭酣飲樂
不辨顏桓桓振旅田無遊盤我德如風民應如蘭靡不夙夜無敢
宴安務農望歲時或不稔小心翼翼恤民以甚御坐不怡撤膳賑
廩西流垂精南金抑弛永言孝思天經地義問誰贊事英彥髦士
問誰翼侍博物君子潛明神鑒從眾屈己道濟羣生爲而不恃先
天弗違後天降時萬物熙熙懷而慕思昭昭縉紳不謀同辭巖巖

岱宗想望翠旗恭惟大行功成不居議寢封禪心栖沖虛策告不
足太平有餘七十二君方之蔑如思樂天德等壽嵩華如何寢疾
背世登遐遷幸梓宮孤我邦家龜筮既襲吉日惟良永指太極靈
神峻陽羣后擗踊長訣輶輅聖靈斯顧豈伊不傷家無遠邇邦靡
小大四海供職同軌畢會茫茫原野亭亭素蓋編輅解駕白虎弭
旆龍輶卽定玄闔載扁如天斯崩如地斯傾哀哀庶僚煢煢自啟
彼蒼者天胡靈斯忍聖君不返我獨旋軫

藝文類
聚十三

楊荊州誄

并序

維咸寧元年夏四月乙丑晉故折衝將軍荊州刺史東武戴侯榮
陽楊使君薨嗚呼哀哉夫天子建國諸侯立家選賢與能政是已
和周賴尚父殷憑太阿矯矯楊侯晉之爪牙忠節克明茂績惟嘉
將宏王略肅清荒遐降年不永玄首未華銜恨沒世命也柰何嗚
呼哀哉自古在昔有生必死身沒名垂先哲所題行已號彰德已

述美敢託旒旗爰作斯誄其辭曰

邇矣遠祖系自有周昭穆繁昌枝庶分流族始伯喬氏出楊侯弈
世丕顯允迪大猷天厭漢德龍戰未分伊君祖考方事之殷烏則
擇木臣亦簡君投心魏朝策名委身奮躍淵塗跨騰風雲或統驍
騎或據領軍篤生戴侯茂德繼期纂戎洪緒克構堂基弱冠味道
無競惟時孝實蒸蒸友亦怡怡多才豐藝強記洽聞日晡毫末心
算無垠草隸兼善尺牘必珍足不輟行手不釋文翰動若飛紙落
如雲學優則仕乃從王政散璞發輝臨軹作令化行邑里惠洽百
姓越登司官肅我朝命惟此大理國之憲章君莅其任視民如傷
庶獄明慎刑辟端詳聽參臬呂稱侔于張改授農政于彼野王倉
盈庾億國富兵彊煌煌文后鴻漸晉室君曰兼資參戎作戰用錫
土宇膺茲顯秩青社白茅亦朱其紱魏氏順天聖皇受終烈烈楊
侯實統禁戎司管閭閻清我帝宮苛慝不作穆如和風謂督勳勞

班命彌崇、茫茫海岱、立化末周、滔滔江漢、疆場分統、秉文兼武、時
惟揚侯、既守東莞、乃牧荊州、折衝萬里、對揚王休、聞善若驚、疾惡
如讎、示威示德、曰伐曰柔、吳夷凶侈、僞師畏逼、將乘讎釁、席卷南
極、繼塞糧盡、神謀不戒、君子之過、引曲推直、如彼日月、有時則食、
負執其咎、功讓其力、亦既旋旆、爲法受黜、退守丘塋、杜門不出、游
目典墳、縱心儒術、祁祁摺紳、升堂入室、靡事不容、無疑不質、位貶
道行、身窮志逸、弗慮弗圖、乃寢乃疾、昊天不弔、景命其卒、嗚呼哀
哉、子囊佐楚、遺言城郢、史魚諫衛、曰尸顯政、伊君臨終、不忘忠敬、
寢伏牀蓐、念在朝廷、朝達厥辭、夕殞其命、聖王嗟悼、寵贈哀憐、誄
德策勳、考終定諡、羣辟慟懷、邦族揮淚、孤嗣在疚、眷屬含悼、赴者
同哀、路人增歎、嗚呼哀哉、余曰頑蔽、覆露重陰、仰追先考、執友之
心、俯感知己、誠達之深、承諱切怛、涕淚霑襟、豈忘載奔、憂病是沈、
在疾不省、于亡不臨、舉聲增慟、哀有餘音、嗚呼哀哉、文選

楊仲武誄

并序

楊綏

文選齊竟陵文宣王行狀注作楊經

字仲武、滎陽宛陵人也。中領軍肅侯之曾

孫、荊州刺史戴侯之孫、東武康侯之子也。八歲喪父，其母鄭氏光

祿勳密陵成侯之元女，操行甚高，恤養幼孤，曰保乂夫家，而免諸

艱難。戴侯康侯多所論著，又善草隸之藝。子曰妙年之秀，固能綜

覽義旨，而軌式模範矣。雖舅氏隆威，而孤貧守約，心安陋巷，體服

菲薄，余甚奇之。若乃清才儁茂，威德日新，吾見其進，未見其已也。

既藉三葉世親之恩，而子之姑，余之伉儷焉。往歲卒于德宮里，喪

服同次，綢繆累月。苟人必有心，此亦款誠之至也。不幸短命，春秋

二十九。元康九年夏五月己亥卒，嗚呼哀哉！乃作誄曰：

伊子之先，奕葉熙隆。惟祖惟曾，載揚休風。顯考康侯，無祿早終。名

器雖光，勳業未融。篤生吾子，誕茂淑姿。克岐克嶷，知章知微。鉤深

探賾，味道研機。匪直也人，邦家之輝。子之遘閔，曾未亂髮。如彼危

根當此衝焱德之休明靡幽不喬弱冠流芳儔聲清猷爾舅惟榮
爾宗惟萃幼秉殊操違豐安匱撰錄先訓俾無隕墜舊文新盛罔
不必肄潘楊之穆有自來矣矧乃今日慎終如始爾休爾戚如實
在己視子猶父不得猶子敬亦既篤愛亦既深雖殊其年實同厥
心曰是景而望子朝陰如何短折背世湮沈嗚呼哀哉寢疾彌留
守茲孝友臨命忘身顧戀慈母哀哀慈母痛心疾首噉噉同生悽
悽諸舅春蘭擢莖方茂其華荆寶挺璞將剖于和含芳委耀毀璧
摧柯嗚呼仲武痛哉奈何德宮之艱同次外寢惟我與爾對筵接
枕自時迄今曾未盈稔姑姪繼隕何痛斯甚嗚呼哀哉披帙散書
屢觀遺文有造有寫或草或真執玩周復想見其人紙勞于手涕
沾于巾龜茲既襲塋隧既開痛矣楊子與世長乖朝濟洛川夕次
山隈歸鳥頽頽行雲徘徊臨穴永訣撫視盡哀遭形莫紹增慟余
懷魂兮往矣梁木實摧嗚呼哀哉

馬汧督誅并序

惟元康七年秋九月十五日晉故督守關中侯扶風馬君卒嗚呼哀哉初雍部之內屬羌反未弭而編戶之民又肆逆焉雖王旅致討終于殄滅而蜂蠆有毒驅失小利俾百姓流亡頻于塗炭建威喪元于好畤州伯胥遁乎大谿若曰偏師裨將之殞首覆軍者蓋曰十數剖符專城紆青拖墨之司奔走失其守者相望于境秦隴之儻輩更爲魁既已襲汧而館其縣子曰眇爾之身介乎重圍之裏率寡弱之眾據十雉之城羣氏如蜩毛而起四面雨射城中城中鑿穴而處負戶而汲木石將盡樵蘇乏竭芻蕘罄絕于是乎發梁棟而用之芻曰鐵鑊機關既縱礮而又升焉爨陳焦之麥柿相桷之松用能薪芻不匱人畜取給青煙飭起歷馬長鳴凶醜駭而疑懼乃闕地而攻子命穴浚塹寘壺鑄瓶甌丈偵之將穿響作內焚積火薰之潛氏殲焉久之安西之救至竟免虎口之厄全數百

萬石之積、文契書于幕府、聖朝疇咨進、曰顯秩、殊曰幢蓋之制、而州之有司、乃曰私隸數口、穀十斛、攷訊吏兵、曰擅楚之辭、連之大將軍、屢抗其疏、曰、敦固守孤城、獨當羣寇、曰、少禦眾、載離寒暑、臨危奮節、保穀全城、而雍州從事忌敦勳效、極推小疵、非所曰褒獎、元功宜解、敦禁劾假授、詔書遽許、而子固已下獄、發憤而卒也、朝廷聞而傷之、策書曰、皇帝咨、故督守關中侯馬敦、忠勇果毅、率厲有方、固守孤城、危逼獲濟、寵秩未加、不幸喪亡、朕用悼焉、今追贈牙門將軍、印綬、祠曰少牢、魂而有靈、嘉茲寵榮、然絜士之聞穢、其庸致思乎、若乃下吏之肆其喋害、則皆妬之徒也、嗟乎、妬之欺善、抑亦貿首之讎也、語曰、或戒其子、慎無爲善、言固可曰、若是悲夫、昔乘丘之戰、縣賁父御魯莊公馬、驚敗績、賁父曰、他日未嘗敗績、而今敗績、是無勇也、遂死之、國人浴馬、有流矢在白肉、公曰、非其罪也、乃誅之、漢明帝時、有司馬叔持者、白曰、于都市、手劒父、儻視

死如歸亦命史臣班固而爲之誄然則忠孝義烈之流慷慨非命而死者綴辭之士未之或遺也天子旣已策而贈之微臣託乎舊史之末敢闕其文哉乃作誄曰

知人未易人未易知嗟茲馬生位末名卑西戎猾夏乃奮其奇保此汧城救我邊危彼邊奚危城小粟富子曰眇身而裁其守兵無加衛墉不增築斐斐羣狄豺虎競逐鞏更恣睢潛跼官寺齊萬虓闕震驚台司聲勢沸騰種落燭熾旌旗電舒戈矛林植彤珠星流飛矢兩集惴惴士女號天曰泣暴麥而炊負戶曰汲累卵之危倒懸之急馬生爰發在險彌亮精冠白日猛烈秋霜稜威可厲懦夫克壯霑恩撫循寒士挾纊蠢蠢犬羊阻眾陵寡潛隧密攻九地之下惓惓窮城氣若無假昔命懸天今也惟馬惟此馬生才博智贍偵呂瓶壺刷呂長壘鍾未見鋒火呂起焰薰尸滿窟梧穴曰斂木石匱竭其稭空虛矚然馬生傲若有餘芻梁爲礪柿松爲芻守不

乏械、歷有鳴駒、哀哀建威、身伏斧質、悠悠烈將、覆車喪器、戎釋我
徒、顯誅我帥、呂生易死、疇克不二、聖朝西顧、關右震惶、分我肝
腹、化爲寇糧、實賴夫子、思慕彌長、咸使有勇、致命知方、我雖末
學、聞之前典、十世宥能、表墓旌善、思人愛樹、甘棠不翦、矧乃
吾子、功深疑淺、兩造未具、儲隸蓋鮮、孰是勳庸、而不獲免、猗
哉部司、其心反側、斷善害能、醜正惡直、牧人逶迤、自公退食、
聞穢鷹揚、曾不戢翼、忘爾大勞、猜爾小利、苟其開懷、于何不至、
慨慨馬生、琅琅高致、發憤囹圄、沒而猶眊、嗚呼哀哉、安平出奇、
破齊克完、張孟運籌、危趙獲安、汧人賴子、猶彼談單、如何吝
嫉、播之筆端、傾倉可賞、矧云私粟、狄隸可頒、況曰家僕、剔子
雙龜、貫目三木、功存汧城、身死汧獄、凡爾同圍、心焉摧剝、
扶老攜幼、銜號巷哭、嗚呼哀哉、明明天子、旌呂殊恩、光光寵
贈、乃牙其門、司勳頒爵、亦兆後昆、死而有靈、庶慰冤魂、嗚呼
哀哉、

文選

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷九十三

烏程嚴可均校輯

潘岳

太宰魯武公誄

案魯公賈充

昂昂公侯，實天誕育。八元斯九，五臣茲六。惟帝曰公，通揚祖宗，延登東序，服袞珥彤。口口口口口口口口口口，使夫廟疑，定于神算，揜討逆節，折衝江湖。走欽擒儉，梟誕獎吳。公于出征，爰整其旅，壘未越郊，麾不及舉。秦涼獲乂，西戎卽敘。年踰知命，位極人臣。家無餘祿，貴而食貧。他人之賢，譬彼丘陵，邈矣公侯，如日之升。泰山其隤，寢疾不興。遐邇曷仰，社稷焉憑。生則榮易，終哀實難。靡不春華，鮮克歲寒。於呼公隕，率土含酸。趙喪望諸，列國同傷。秦亡蹇叔，春者不相。桃李不言，下自成行。德之休明，沒能彌彰。書鈔三十八載文類曲水詩序注又諸淵碑文注引兩條又齊安陸王碑文注

庾尚書誄

寬而能懷、威而不猛、化行如形、民應如影、瞢瞢虛坐、翩翩玄幕、几

筵生塵、空館寥廓、

魏文雅撰
四十八

夏侯常侍誄

并序

夏侯湛字孝若、譙人也、少知名、弱冠辟太尉府、賢良方正、徵仍爲太子舍人、尚書郎、野王令、中書郎、南陽相、家艱乞還、頃之選爲太子僕、未就命而世祖崩、天子曰爲散騎常侍、從班列也、春秋四十有九、元康元年夏五月壬辰、寢疾卒于延喜里第、嗚呼哀哉、乃作誄曰、

禹錫玄珪、實曰文命、克明克聖、光啟夏政、其在于漢、邁勳惟嬰、思弘儒業、小大雙名、顯祖曜德、牧宥及荆、父守淮嶽、治亦有聲、英英夫子、灼灼其雋、飛辯摘藻、華繁玉振、如彼隨和、發彩流潤、如彼錦纈、列素黜紉、人見其表、莫測其裏、徒謂吾生、文勝則史、心照神交、

唯我與子且厯少長。逮觀終始。子之承親。孝齊閭閻。子之友悌。和
如瑟琴。事君直道。與朋信心。雖實唱高。猶賞爾音。弱冠厲翼。羽儀
初升。公已旣招。皇輿乃徵。內贊兩宮。外宰黎蒸。忠節允著。清風載
興。泱彼樂都。寵子惟王。設官建輔。妙簡邦良。用取喉舌。相爾南陽。
惠訓不倦。視民如傷。乃眷北顧。辭祿延喜。余亦偃息。無事明時。疇
昔之遊。二紀于茲。班白攜手。何歡如之。居吾語汝。眾實勝寡。人惡
雋異。俗疵文雅。執戟疲楊。長沙投賈。無謂爾高。恥居物下。子乃洗
然。變色易容。慨焉歎曰。道固不同。爲仁由己。匪我求蒙。誰毀誰譽。
何去何從。莫涅匪緇。莫磨匪磷。子獨正色。居屈志申。雖不爾已。猶
致其身。獻替盡規。媚茲一人。讜言忠謀。世祖是嘉。將僕儲皇。奉轡
承華。先朝末命。聖列顯加。入侍帝闈。出光厥家。我聞積善。神降之
吉。宜享遐紀。長保天秩。如何斯人。而有斯疾。曾未知命。中年隕卒。
嗚呼哀哉。唯爾之存。匪爵而貴。甘食美服。重珍兼味。臨終遺誓。永

錫爾類、斂日時、襲殯不簡器、誰能拔俗、生盡其養、孰是養生、而薄其葬、淵哉若人、縱心條暢、傑操明達、因而彌亮、極格既祖、容體長歸、存亡永訣、逝者不追、望子舊車、覽爾遺衣、悃抑失聲、迸涕交揮、非子爲慟、吾慟爲誰、嗚呼哀哉、日往月來、暑退寒襲、零露沾凝、勁風淒急、慘爾其傷、念我良執、適子素館、撫孤相泣、前思未弔、後感仍集、積悲滿懷、逝矣安及、嗚呼哀哉、文選、葬文類、聚四十八

南陽長公主誄

昔唐女嬪、媼書敘釐降之美、周姬適齊、詩詠肅雍之歌、漢之新野、呂節義垂號千載、伊晉之獻主、呂聰明睿智、考終定諡、茲可謂母儀純備、邁蹤古烈者也、惜乎不永、背世湮沈、爰託素旗、式章徽音、主之誕育、既慕洪胄、德之休明、亦固天授、思心婉孌、淑質純茂、母儀不忒、內則靡疚、肇自弱穉、有敬其笄、言告言歸、作合于荀、在貴思降、處逸能勤、上虔諸姑、下接支嬪、內諧閨闕、外和族姻、終溫且

惠淑愼其身積善餘慶啟茲名胤屬曰惠肅誨曰柔順主實體化
不言而信二子遵式匪嚴而峻於穆獻后初學記十奕代熙威重
作大司黎牧火正國之仁姑家之慈母天道輔賢宜享遐壽如何
短命曾不華首寢疾弗興繁榮摧朽嗚呼哀哉容車戒路祖奠在
庭駢駢躊躇服馬悲鳴皇輿親臨望旗失聲列辟咸起灑淚霑纓
嗚呼哀哉既次墓門降柩升輅靈衣從風素幕生塵明燎守夜連
綿俟晨噉噉遺嗣煢煢孤臣號無廢音涕不輟巾

皇女誄

厥初在鞠王質華繁玄髮儵曜蛾眉連娟清顏橫流明眸朗鮮沈
時夙智望歲能言亦既免懷提攜紫庭聰惠機警授色應聲疊疊
其進好日之經辭合容止閑于幼齡倚倚春蘭柔條含芳落英凋
矣從風颺颺妙好弱媛窈窕淑良孰是人斯而羅斯殃靈殯既初
次此暴廬披覽遺物徘徊舊居手澤未改領臚如初孤魂遐逝存

亡永殊嗚呼哀哉

藝文類聚十六

邢夫人誄

臨命相訣交腕握手

文選恨賦注

從姊誄

義心清尚莫之與鄰

文選類延之秋胡詩注

秦氏從姊誄

家失慈覆世喪母儀

文選謝莊宣貫妃誄注

賈充婦宜城宣君誄

昔在武公葬禮殊倫伉儷一體朝儀則均行成于己名生于人考

終定謚實曰宣君視宗在事卿相奉引輕車整駕介士列陣鸞路

依容輶車升輓

晉書謝琰傳御覽二百二

虞茂春誄

嬖撫墳兮告辭皆莫能兮仰視

文選謝靈運廬陵王墓下詩注

司空密陵侯鄭表碑

公雖違華袞猶朱其紱

文選齊竟陵王行狀注

陳謨台階翼和鼎實顯績成于臺省清風暘于所莅故能老安少懷遠至通親凡厥搢紳之士所曰挹酌洪流含咀其芳者猶旱苗之仰膏雨湛露之晞朝陽也銘曰

於鑠元侯則天垂象弘操嶽峻宇量深廣允恭克讓宣哲清明有始有卒可大可久言由忠信行履孝友光光金貂再冠其首赫赫皇符仍折其節義格皇穹德冠羣后清風顯烈沒而不朽蘇文類聚四十七

荊州刺史東武戴侯楊使君碑

肇字秀初榮陽人

文選懷舊賦注

驍騎府君之嫡孫領軍肅侯之嗣子

文選

楊荊州

君誕保靈和繼期載德宣哲清明直道高尚若乃嘉號推

賢博愛濟眾邦黨服其義而搢紳慕其風

蘇文類聚五十

嘉平初除軹令

文選楊州州遷治書侍御史上兼統大理之任上除野王典農中郎

將上于時文后麻敷在躬相國幕府實允華夏九德咸事俊乂在

官成君名器納字參軍魏文類聚五十五又文選五等初建封東武

子文選皇祖之始典戎武衛上呂清宮勳勞進封東武伯上領

東莞相荊州刺史上加折衝將軍上宏略被于南國美化行乎江

漢西陵之役懸軍深入親薄寇壘躬行天誅既而救兵不進糧盡

道窮因乃憮然迴慮殷其眾而返雖為法受黜勳庸未崇而天下

服其勇世主思其忠魏文類肇號天子愍焉遣謁者祠呂太牢上諡

曰戴侯文選諡又略見懷舊賦注

都鄉碑

自中牟故縣呂西水經二十至于清溝二渠水注

景獻皇后哀策文

於穆先后儷黃協運世宗之胤德博化光用儉禮峻任如隆周后

亦母質終溫且惠其儀淑慎既慎其儀克明禮教撫翼齊恭訓成
弘操其慈有威不舒不暴乃家乃邦是則是效嗟余艱屯仍遭不
造靡恃惟妣景命弗保心之云痛痛貫穹昊襲龜筮之良辰啟幽
房之潛隧整武駕之隆牡結龍輶之編駟望旗常而崩摧披輶輶
目增欷口嗚咽目失聲目橫遊目灑淚邇雨絕于宮闈長無覲于
舅鬚藝文類
聚十五

羊夫人諡策文

光啟洪祚慶流萬國

文選齊安陸王碑文注

傷弱子辭

惟元康二年春三月壬寅弱子生夏五月余之長安壬寅次于新
安之千秋亭甲辰而弱子夭越翼日乙巳瘞于亭東感羸博之哀
乃傷之日

奈何兮弱子邈棄爾兮巨林還眺兮墳瘞草莽莽兮木森森伊遂

古之遐肖，逮祖考之永延，咨吾家之不嗣，羌一適之未甄。仰崇堂之遺構，若無津而涉川，葉落永離，覆水不收。赤子何辜，罪我之由。
蘇文類聚三十四文選潘岳西征賦注御覽一百九十四

金鹿哀辭

嗟我金鹿，天資特挺。鬢髮凝膚，蛾眉蟠領。柔情和泰，朗心聰警。嗚呼上天，胡忍我門。良嬪短世，令子天昏。既披我幹，又翦我根。槐如瘠木，枯荻獨存。捐子中野，遵我歸路。將反如疑，迴首長顧。

陽城劉氏妹哀辭

烏鳴于柏，烏號于荆。徘徊躑躅，立聞其聲。相彼羽族，矧伊人情。中心長叫，痛我同生。誕育聖王，發奇稚齒。如彼名駒，昂昂于里。劉氏懷寶，未曜隨和。伊子輕弱，弗克負荷。祿微于朝，貯匱于家。俾我令妹，勤儉備加。珍羞罕御，器服靡華。撫膺恨毒，逝矣奈何。哀哀母氏，蒸蒸聖慈。震慟擗標，何痛如之。魂而有靈，豈不慕思。嗟哉往矣，當

復何時

妹哀辭

庭祖兩松路引雙轎爾身爾子永與世辭

文選宣貴
此誄註

悲邪生

周文公之苗裔子元舅之洪胄厲操確其不拔鄉譽著而日就妙
邦畿而高察雄州閭曰擢秀茂實暘矣而休名未衍其財至貧其
位至賤而死之日奔者盈庭停余車而在郊撫靈輿曰增悲瞻輜
容而想像曾無覩乎餘輝送子兮境垂永訣兮路岐一別兮長絕
盡哀兮告離

京陵女公子王氏哀辭

猗歟公子季女惟王生自洪胄稟茲義方盼倩粲麗窈窕淑良如
彼春蘭吐葩含芳葩曰霜隕芳曰歇盡彼蒼者天胡靈斯忍曾未
弱笄無疾而隕官朝震驚靡人不慙嗟爾母氏劬勞撫鞠恩斯勤

斯是長是有帷屏媚子奄離顧復哀無廢心涕不輟且于官祖之
于掖閨庭于日送之陵岡崔嵬僕馬迴眷旗旒旋飛夕陽失映晴
鳥忘歸皎皎宵月載盈載微冥冥公子一往不追長夜無旦孤魂
曷依

爲任子咸妻作孤女澤蘭哀辭

澤蘭者任子咸之女也涉三齡未沒衰而殞余聞而悲之遂爲其
母辭

茫茫造化爰啟英淑猗猗澤蘭應靈誕育鬢髮蛾眉巧笑美目顏
耀榮若華茂時菊如金之精如蘭之馥淑質彌昭聰惠日新朝夕
顧復夙夜盡勤彼蒼者天哀此矜人胡寧不惠忍予眇身俾爾嬰
孺微命弗振俯覽衾綈仰訴宵旻弱子在懷既生不遂存靡託躬
沒無遺類耳存遺響目想餘顏展席伏枕摧心剖肝相彼鳥矣和
鳴嚶嚶矧伊蘭子音影冥冥彷徨丘壟徙倚墳塋

哀永逝文

啟夕兮宵興、悲絕緒兮莫承、俄龍輜兮門側、嗟俟時兮將升、嫂姪
兮悼惶、慈姑兮垂矜、聞鳴雞兮戒朝、咸驚號兮撫膺、逝日長兮生
年淺、憂思眾兮歡樂渺、彼遙思兮離居、歎河廣兮未遠、今奈何兮
一舉、邇終天兮不反、盡余哀兮祖之晨、揚明燎兮援靈輶、徹房帷
兮席庭筵、舉觴觴兮告永遷、悽切兮增歎、俯仰兮揮淚、想孤魂兮
眷舊宇、視倏忽兮若髣髴、徒髣髴兮在虛、靡耳目兮一遇、停駕兮
淹留、徘徊兮故處、周求兮何獲、引身兮當去、去華輦兮初邁、馬迴
首兮旋旒、風泠泠兮入帷、雲霏霏兮承蓋、鳥俛翼兮忘林、魚仰沫
兮失瀾、悵悵兮遲遲、遵吉路兮凶歸、思其人兮已滅、覽餘迹兮未
夷、昔同塗兮今異世、憶舊歡兮增新悲、謂原隰兮無畔、謂川流兮
無岸、望山兮寥廓、臨水兮浩汗、視天日兮蒼茫、面邑里兮蕭散、匪
外物兮或改、固歡哀兮情換、嗟潛隧兮既敞、將送形兮長往、委蘭

房兮繁華、襲窮泉兮朽壤、中墓叫兮擗標、之子降兮宅兆、撫靈
輓兮訣幽房、棺冥冥兮挺窈窕、戶闔兮燈滅、夜何時兮復曉、歸反
哭兮殯官、聲有止兮哀無終、是乎非乎何皇、趣一遇兮日中、既遇
自今無兆、曾寤寐兮弗夢、既顧瞻兮家道、長寄心兮爾躬、重日已
矣、此蓋新哀之情然耳、渠懷之其幾何、庶無愧兮莊子、文選、藝文類聚三十

哭弟文

視不見兮聽不聞、逝日遠兮憂彌殷、終皓首兮何時忘、情楚惻兮

常苦辛、

藝文類聚二十一

爲楊長文作弟仲武哀祝文

悠悠上天、我獨何辜、祖考早世、兄弟幼孤、備嘗艱毒、同集蓼荼、父
今生我、過庭靡聞、母今鞠我、寧一苦辛、日顧日復、我弟我身、竝自
垂髮、越于成人、澹哲聰明、純粹溫良、烈烈清風、邦族之望、母氏劬

勞庶爾之報。彼蒼者天。子何不弔。殲我令弟。窮泉是造。無父何怙。
無弟何友。煢煢此身。哀哀慈母。煩冤痛毒。撫心思咎。哀爾薄祐。逢
家多阻。弱冠未室。成年絕緒。喪庭寥廓。廬位無主。冥冥長夜。窈窕
玄宇。當復何時。見我仲武。于目視之。于其王父。魂而有靈。神其監
處。藝文類聚
三十四

弔孟嘗君文

人同貴賤。士無真偽。延入如歸。望賓若企。出握秦機。入專齊政。右
眄而羸強。左顧而田競。且目造化爲水。天地爲舟。樂則齊喜。哀則
同憂。豈區區之國。而大邦是謀。瑣瑣之身。而名利是求。畏首畏尾。
東奔西囚。志撓于木偶。命懸于孤裘。藝文類
聚四十

爲諸婦祭庾新婦文

潛形幽機。寔神舊宇。室虛風生。牀塵帷舉。自我不見。載離寒暑。雖
則乖隔。哀亦時敘。啟殯今夕。祖行明朝。雨絕華庭。埃滅大宵。儼執

箕箒偕奉夕朝、髣髴未行、顧瞻弗獲、伏膺飲淚、感今懷昔、懷昔伊何、祁祁娣姒、感今伊何、冥冥吾子、形未廢目、音猶在耳、魏文類聚三十八又

文選顏延之元皇后哀冊文注懷昔作惟昔

草愍懷太子禱神文

陛下宜自了、不自了、吾當入了之、中宮又宜速自了、不了、吾當手了之、并謝妃共要剋期而兩發、勿疑猶豫、致後患、茹毛飲血、于三辰之下、皇天許當埽除患害、立道文爲王、蔣爲內主、願成、當三牲祠北君、大赦天下、要疏如律令、晉書愍懷太子傳

賜進士出身一品銜廣東等處提刑按察使司按察使兼管驛傳事務黃岡王毓藻校刊

全晉文卷九十三終

全晉文卷九十三

九